

唐書合鈔

唐書卷第一百九十七

列傳九十七

薛播

子公達從新書增

鮑防

李自良

李說

嚴綬

李進賢從新書增

蕭昕

杜亞

王緯

李若初

于頔

盧徵

楊憑

弟疑凌凌子敬之項斯皆從新書增

鄭元

杜兼

從弟羔羔子中立皆從新書增

裴玢

薛伾

薛播河中寶鼎人中書舍人文思曾孫也父元暉什邡

令以播贈工部郎中播天寶中舉進士補校書郎累授  
萬年縣丞武功令殿中侍御史刑部員外郎萬年令播  
溫敏善與人交李栖筠常袞崔祐甫皆引擢之及祐甫  
輔政用爲中書舍人出汝州刺史以公事貶泉州刺史  
尋除晉州刺史河南尹遷尙書左丞轉禮部侍郎遇疾  
貞元三年卒贈禮部尙書初播伯父元曖終於隰城丞  
其妻濟南林氏丹陽太守洋之妹有母儀令德博涉五  
經善屬文所爲篇章時人多諷詠之元曖卒後其子彥  
輔彥國彥偉彥雲及播兄據摠並早孤幼悉爲林氏所  
訓導以至成立咸致文學之名開元天寶中二十年間

彥輔據等七人並舉進士連中科名衣冠榮之子公達擢進士

第佐軍鳳翔會帥不文嘗集射設的高數十尺令曰中者酬錦與金一軍莫能公達執弓矢揖曰請為公歡射

三發連中眾大呼笑帥不喜乃自免去復佐河陽軍以國子助教居東都卒

鮑防字子真襄州襄陽人幼孤貧篤志好學善屬文天寶末

舉進士為浙東觀察使薛兼訓從事累至殿中侍御史

入為職方員外郎改太原少尹薛兼訓帥太原被病代宗授防少尹節度行軍

司馬召見慰遣之俄知留後兼太原尹正拜節度使人樂其治詔入為御

史大夫歷福建江西觀察使徵拜左散騎常侍扈從奉

天除禮部侍郎封東海郡公貞元元年策賢良方正得穆質裴復柳公綽歸登崔邠韋純魏宏

簡熊執易等世美防知人時比歲旱策問陰陽祲沴質對漢故事免三公卜式請烹宏羊指當時輔政者右司

郎中獨孤愼欲下質防不許曰使上聞所尋遷工部尙

書致仕防歷洪福京兆皆有政聲唯總戎非所宜而謬

執兵柄以太原革車胡騎雄雜而迴鶻深入寇防出拒

戰爲虜所敗爲禮部侍郎時嘗遇知雜侍御史竇參於

通衢導騎不時引避僕人爲參所鞭及參秉政防尹遽

令致仕防謂親友曰吾與蕭昕之子齒而與昕同日懸

車非朽邁之致以餘忿見廢防文學舊人歷職中外不

因罪戾而爲俗吏所擯竟以憤終年六十九贈太衆頗

憫而咎參故參之敗不旋踵非不幸也防於詩尤工有

時敝當時稱之與中書舍人

謝良弼友善時號鮑謝云

李自良兖州泗水人初祿山之亂自良從兗鄆節度使  
能元皓以戰功累授右衛率後從袁傒討袁晁陳莊賊  
積功至試殿中監隸浙江東道節度使薛兼訓兼訓移  
鎮太原自良從行授河東軍節度押衙兼訓卒鮑防代  
又事防爲牙將會迴鶻入寇防令大將焦伯瑜杜榮國  
將兵擊之自良謂防曰迴鶻遠來求戰未可與爭鋒但  
於歸路築二壘以兵守之堅壁不動虜求戰不得師老  
自旋俟其返旆卽乘之縱不甚捷虜必狼狽矣二壘阨  
其歸路策之上也防不從促伯瑜等逆戰遇虜於百井  
伯瑜等大敗而還由是稍知名馬燧代防爲帥署奏自

良代州刺史兼御史大夫仍爲軍候自良勤恪有謀燧  
深委信之建中年田悅叛燧與抱真東討自良常爲河  
東大將摧鋒陷陣破田悅及討李懷光於河中自良專  
河東軍都將前後戰績居多燧之立功名由自良協輔  
之力也貞元三年從燧入朝罷燧兵權德宗欲以自良  
代燧自良懇辭事燧久不欲代爲軍帥物議多之乃授  
右龍武大將軍德宗以河東密邇胡戎難於擇帥翼日  
自良謝上謂之曰卿於馬燧存軍中事分誠爲得禮然  
北門之寄無易於卿卽日拜檢校工部尙書兼御史大  
夫太原尹北都留守河東節度支度營田觀察使在鎮

九年以簡儉守職軍民胥悅雖出身戎伍動必循法畧不以暴戾加人十一年五月卒於軍年六十三上甚嗟惜之廢朝一日贈左僕射賻布帛米粟有差

李說

字嚴甫

淮安王神通之裔也父遇

新書名遇及

天寶中爲

御史中丞

東畿採訪使

說以門蔭

補率府兵曹參軍

歷仕累佐使幕

馬燧爲河陽三城太原節度皆辟爲從事累轉御史郎官御史中丞太原少尹出爲汾州刺史節度使李自良復奏爲太原少尹檢校庶子兼中丞貞元十一年五月自良病凡六日而卒匿喪陽言病甚數日發喪先是都虞候張瑤久在軍素得士心嘗請假遷葬自良未許至



是說與監軍王定遠謀乃給瑤假以大將毛朝陽代瑤  
然後遣使告自良病中使第五國珍自雲朔使還過太  
原聞自良病中使遲留信宿自良卒國珍急馳至京先  
說使至乃下制以通王領河東節度大使以說爲行軍  
司馬充節度留後北都副留守仍令國珍齎說官告及  
軍府將吏部內刺史等敕書三十餘通往太原宣賜軍  
中始定定遠恃立說之功頗恣縱橫軍政皆自專決仍  
請賜印監軍有印自定遠始也定遠旣得印益暴將吏  
輒自補授說寢不歡遂成嫌隙是歲七月定遠署虞候  
田宏爲列將以代彭令茵令茵不伏揚言曰超補列將

非功不可宏有何功敢代予任定遠聞而含怒召令茵  
斬之埋於馬糞之中家人請尸不與三軍皆怨說具以  
事聞德宗以定遠有奉天扈從之功恕死停任制未至  
定遠怒說奏聞趨府謀殺說升堂未坐抽刀刺說說走  
而獲免定遠馳至府門召集將吏於箱中陳敕牒官告  
二十餘軸示諸將曰有敕令李景畧知留後遣說赴京  
公等皆有恩命指箱中示之諸將方拜扑大將馬良輔  
呼而麾衆曰箱中皆監軍舊官告非恩命也不可受但  
備急變爾定遠知事敗走登乾陽樓召其部下將卒多  
不之應比夜定遠墜城下槎枿傷而不死尋有詔削奪

長流崖州大將高迪等同其謀說皆斬之尋正拜河東

節度使檢校禮部尚書

累封隴西縣男

說在鎮六年初勤心吏

職

築天成軍後邊備積完

遇疾言語行步蹇澀不能錄軍府之政

悉監軍主之又爲孔目吏宋季等欺誑軍政事多隳紊

如此累年十六年十月卒年六十一廢朝一日贈左僕

射是月制以河東節度行軍司馬鄭儋檢校工部尚書

兼太原尹御史大夫河東節度支度營田觀察等使北

都留守在任不期年而卒

嚴綬蜀人

挺之從孫

曾祖方約利州司功祖挹之符離尉父

丹殿中侍御史

爲劍南鹽鐵青苗租庸使以嚴武在蜀辭不拜

綬大厯中登進

士第累佐使府貞元中由侍御史充宣歙團練副使深  
爲其使劉贊委遇政事多所咨訪十二年贊卒綬掌宣  
歙留務領府藏以進獻由是有恩召爲尙書刑部員外  
郎天下賓佐進獻自綬始也未幾河東節度使李說嬰  
疾事多曠弛行軍司馬鄭儋代綜軍政旣而說卒因授  
儋河東節度使是時姑息四方諸侯未嘗特命帥守物  
故卽用行軍司馬爲帥冀軍情厭伏儋旣爲帥德宗選  
朝士可以代儋爲行軍司馬者因綬前日進獻上頗記  
之故命檢校司封郎中充河東行軍司馬不周歲儋卒  
遷綬銀青光祿大夫檢校工部尙書兼太原尹御史大

夫北都留守充河東節度支度營田觀察處置等使元和元年楊惠琳叛於夏州劉闢叛於成都綬表請出師討伐綬悉選精甲付牙將李光顏兄弟光顏累立戰功蜀夏平加綬檢校尚書左僕射尋拜司空進階金紫封扶風郡公綬在鎮九年以寬惠爲政士馬蕃息境內稱治嘗大閱旗幟周七十里回鶻梅錄將軍在會聞金鼓震伏四年入拜尚書右僕射綬雖名家子爲吏有方畧然銳於勢利不存名節人士以此薄之嘗預百僚廊下食上令中使馬江朝賜櫻桃綬居兩班之首在方鎮時識江朝敘語次不覺屈膝而拜御史大夫高郢亦從而拜是日爲御史所劾綬待罪

於朝命釋之翼日責江朝降官一等尋出鎮荆南進封  
鄭國公有澉州蠻首張伯靖者殺長吏據辰錦等州連  
九洞以自固詔綬出兵討之綬遣部將李忠烈齎書曉  
諭盡招降之九年吳元濟叛朝議加兵以綬有宏恕之  
稱可委以戎柄乃授山南東道節度使尋加淮西招撫  
使綬自帥師壓賊境無威畧以制寇到軍日遽發公藏  
以賞士卒累年蓄積一旦而盡又厚賂中貴人以招聲  
援師徒萬餘閉壁而已經年無尺寸功裴度見上屢言  
綬非將帥之才不可責以戎事乃拜太子少保代歸尋  
檢校司空

新書司徒判  
光祿卿事

久之進位太傅食封至三千戶

長慶二年五月卒年七十七詔贈太保綬材器不踰常  
品事兄嫂過謹爲時所稱常以寬柔自持位躋上公年  
至大耋前後統臨三鎮皆號雄藩所辟士親睹爲將相  
者凡九人其貴壽如此初綬未顯過於闐鄴尉李達達  
彭城令過并州晨入謁不知綬也綬方大宴賓客召達  
至戒客勿起讓曰吾昔羈旅闕鄉君方召客食而不顧  
我今我召客亦不敢留君達慙不得去左右引出憐而  
瘖卧館數月其佐令狐楚爲請乃免何東李進賢者善  
畜牧家高貲得幸於綬署牙門將元和進賢累爲振  
武節度使辟鵠泉進賢發兵討之吏稟糧不實次鳴沙焚  
回鶻入辟鵠遵憲而還進賢大怒衆懼因燔城門攻進賢  
殺其將楊遵憲而奔靖邊軍乃殺敵而屠進賢  
左右拒戰不勝繼而去奔靖邊軍乃殺敵而屠進賢  
家詔以夏綬節度張煦代之誅首亂數百人乃定  
蕭昕字中明河南人梁鄆陽王少補崇文進士二字開元

十九年首舉博學宏辭授陽武主簿天寶初復舉宏辭

授壽安尉再遷左拾遺

新書補闕

昕嘗與布衣張鎬友善館

而禮之表薦之曰如鎬者用之則爲王者師不用則幽

谷一叟爾元宗擢鎬拾遺不數年出入將相及安祿山

反昕舉贊善大夫來瑱堪任將帥思明之亂瑱功居多

累遷憲部員外郎爲副元帥哥舒翰掌書記潼關敗間

道入蜀遷司門郎中尋兼安陸長史爲河南等道都統

判官

肅宗立奉詔冊見行在

遷中書舍人

歷禮部侍郎

兼揚府司馬佐

軍仍舊入拜本官累遷祕書監代宗幸陝昕出武關詣

行在轉國子祭酒

建請崇太學以樹教本帝寤其言詔羣臣有籍於朝及神策六軍子弟肄



業者聽補生員

大厯初持節弔迴紇時迴紇恃功庭詰听曰祿

山思明之亂非我無以平定唐國奈何市馬而失信不

時歸價衆皆失色听答曰國家自平寇難賞功無絲毫

之遺况鄰國乎且僕固懷恩我之叛臣乃者爾助爲亂

聯西戎而犯郊畿及吐蕃敗走迴紇悔懼啓願乞和非

大唐存念舊功則當匹馬不得出塞矣是迴紇自絕非

我失信迴紇慙退加禮以歸爲常侍十二年

轉工部尚書封晉陵

侯

朱泚之亂

年八

徒步出城泚急求之亡竄山谷間至

奉天遷太子少傅

爵郡公

貞元初兼禮部尚書尋復知貢

舉

擢杜黃裳高郢裴垍相繼輔政並爲名宰

五年

以太子少師

致仕七年卒於家

年九十新書九十三廢朝諡曰懿

杜亞字次公自云京兆人也少頗涉學善言物理及歷代成敗之事至德初於靈武獻封章言政事授校書郎其年杜鴻漸爲河西節度辟爲從事累授評事御史後入朝歷工戶兵吏四部員外郎永泰末劍南叛亂鴻漸以宰相出領山劍副元帥以亞及楊炎並爲判官使還授吏部郎中諫議大夫炎爲禮部郎中知制誥中書舍人亞自以才用合當柄任雖爲諫議大夫而心不悅李栖筠承恩衆望必爲宰相亞厚結之元載得罪亞與劉晏李涵等七人同鞠訊之載死之翼日亞遷給事中河

北宣慰使宰相常袞亦不悅亞歲餘出爲洪州刺史兼御史中丞江西都團練觀察使德宗初嗣位勵精求賢令中使召亞亞自揣必以宰輔見徵乃促程而進累路與人言議語及行宰相事方面或以公事諮祈亞皆納之旣至帝微知之不悅又奏對辭旨疎闊出爲陝州觀察使兼轉運使尋遷河中晉絳等州防禦觀察使楊炎作相劉晏得罪亞坐貶睦州刺史興元初召拜刑部侍郎出爲揚州長史兼御史大夫淮南節度觀察使時承陳少遊征稅煩重奢侈僭濫之後又新遭王紹亂兵剽掠淮南之人望亞之至革剗舊弊冀以康寧亞自以材

當公輔之選而聯出外職志頗不適政事多委參佐招  
引賓客談論而已揚州官河填淤漕輓堙塞又僑寄衣  
冠及工商等多侵衢造宅行旅擁弊亞乃開拓疏啟公  
私悅賴而盛爲奢侈江南風俗春中有競渡之戲方舟  
並進以急趨疾進者爲勝亞乃令以漆塗船底貴其速  
進又爲綺羅之服塗之以油令舟子衣之入水而不濡  
觀沼華遠費皆千萬龍西李衡在坐曰使桀紂爲之不  
是過也既泛九曲池曳繡爲帆詫曰要當稱是林沼衡  
曰未有錦纜亞本書生奢縱如此朝廷亟聞之貞元五  
年以戶部侍郎竇覲爲淮南節度代亞亞猶以舊望竇  
參甚畏之改檢校吏部尚書判東都尚書省事充東都

留守都防禦使旣病風尙建利以固寵奏請開苑內地爲營田以資軍糧減度支每年所給從之亞不躬親部署但委判官張薦楊腆初奏請取荒地營田其苑內地堪耕食者先爲留司中官及軍人等開懇已盡亞計急乃取軍中雜錢舉息與畿內百姓每至收田之際多令軍人車牛散入村鄉收斂百姓所得菽粟將還軍民家畧盡無可輸稅人多艱食由是大致流散乃厚賂中官令奏河南尹無改亞自此亦規求兼領河南尹事不果帝漸知虛誕乃以禮部尙書董晉代爲東都留守召亞還京師旣風疾漸深又患脚膝不任朝謁貞元十四年

卒於家年七十四贈太子少傅

諡曰肅

王緯字文卿太原人也祖景司門員外郎萊州刺史父之咸長安尉與昆弟之賁之渙皆善屬文之咸以緯貴累贈刺史緯舉明經又書判入等歷長安尉出佐使府授御史郎官入朝爲金部員外郎劍南租庸使檢校司封郎中彭州刺史檢校庶子兼御史中丞西川節度營田副使初大厯中路嗣恭爲江西觀察使陷害判官李泌將誅之

泌見惡於元載嗣恭希意欲殺之

緯亦爲嗣恭判官說諭救

解獲免貞元三年泌爲相

奏於已有私恩德宗許爲泌報

擢授緯給事

中未數日又擢爲潤州刺史兼御史中丞浙江西道都

團練觀察使

浙西觀察使缺泌擬緯帝曰是朕爲君報德者乎黃門要地獨不留議事邪對曰浙

西賦入九劇緯清而忠能惠養民故請遣之制可初州縣有韓滉時罰錢未入者十八萬緡府史請哀爲進奉

緯上疏願蠲以十年加御史大夫兼諸道鹽鐵轉運使

紂民詔聽之十年加御史大夫兼諸道鹽鐵轉運使

裴延齡以諸道負錢四百萬緡獻爲羨錢三歲加新書

以圖寵緯奏此諸州經費大忤延齡意三歲加作改

檢校工部尚書緯性勤儉歷官清潔而傷於苛碎多用

削刻之吏督察巡屬人不聊生貞元十四年卒年七十

一廢朝一日贈太子少保

李若初趙郡人貞觀中并州長史工部侍郎宏節之曾

孫也祖道謙太府卿若初少孤貧初爲轉運使劉晏下

微冗散職晏判官包佶重其勤幹以女妻之歷陳州太

康令刺史李芄初莅官若初獻計請收斂羨餘錢物交  
結權貴芄厚遇之累歲芄遷河陽三城使奏若初爲從  
事軍中之事多以委之累授檢校郎中兼御史中丞懷  
州刺史轉虢州刺史坐公事爲觀察使劾奏免歸久之  
出爲衢州刺史遷福州刺史兼御史中丞福建都團練  
使尋遷越州刺史浙江東道都團練觀察使十四年秋  
代王緯爲潤州刺史兼御史大夫浙江西道都團練觀  
察諸道鹽鐵轉運使時天下錢少貨輕州縣禁錢不出境商賈不通若初始奏縱錢以起  
萬貨詔可善於吏道性嚴強力束斂下吏人甚畏服方整理  
鹽法頗有次敘貞元十五年遇疾卒廢朝一日贈禮部



尚書

于頔字休明河南人也父庭謂濟王府倉曹累贈尚書左僕射頔少以吏事聞累授京兆府士曹爲尹史翺所賞重翺出鎮襄漢奏爲御史充判官翺爲亂兵所殺頔挺出收葬遺骸時人義之度支使第五琦署爲河東租庸使累授鳳翔少尹度支郎中兼御史中丞轉運租庸糧料鹽鐵等使頔因奏移轉運汴州院於河陰以汴州累遇兵亂散失錢帛故也元載爲諸道營田使又署爲郎官令於東都汝州開置屯田歷戶部侍郎祕書少監京兆尹太府卿代杜濟爲京兆尹及爲大官好任機數

專候權要朝列中無勢利者視之蔑如也曲事元載親  
昵之而爲政苛細無大體丁所生母憂罷及載得罪後  
出爲鄭州刺史遷河南尹以無政績代還時徵汾州刺  
史劉遲遲剛腸嫉惡歷典數州皆爲廉使畏懼宰相盧  
杞恐遲爲御史大夫虧沮己之所見遽稱薦頌爲御史  
大夫以其柔佞易制也從幸奉天改左散騎常侍歷左  
千牛上將軍徙大理卿太子少保工部尙書因入朝仆  
地爲金吾仗衛掖起改太子少師致仕貞元十五年卒  
年七十四

盧徵范陽人也家於鄭之中牟少涉獵書記永泰中江

淮轉運使劉晏辟爲從事委以腹心之任累授殿中侍御史晏得罪貶珍州司戶元琇亦晏之門人興元中爲戶部侍郎判度支薦徵爲京兆司錄度支員外琇得罪坐貶爲秀州長史遷信州刺史入爲右司郎中驟遷給事中戶部侍郎竇參深遇之方倚以自代貞元八年春同州刺史闕參請以尙書左丞趙憬補之特詔用徵以間參腹心也數歲轉華州刺史徵冀復入用深結託中貴厚遇之故事同華以近地人貧每正至端午降誕所獻甚薄徵遂竭其財賦每有所獻輒加常數人不堪命疾病卧理者數年貞元十六年卒年六十四

楊憑字虛受

一字嗣仁

宏農人

少孤其母訓導有方

舉進士累佐使府

徵爲監察御史不樂檢束遂求免累遷起居舍人左司

員外郎禮部兵部郎中太常少卿河南江西觀察使入

爲左散騎常侍刑部侍郎京兆尹憑工文辭少負氣節

與母弟疑凌相友愛皆有時名

時號三楊

重交遊尙然諾與

穆質許孟容李鄘王仲舒爲友故時人稱楊穆許李之

友仲舒以後進慕而入焉性尙簡傲不能接下以此人

多怨之及歷二鎮尤事奢侈元和四年拜京兆尹爲御

史中丞李夷簡劾奏憑前爲江西觀察使贓罪及他不

法事敕付御史臺覆按刑部尙書李鄘大理卿趙昌同

鞠問臺中又捕得憑前江西判官監察御史楊瑗繫於臺復命大理少卿胡珣左司員外郎胡証侍御史韋顥同推鞠之詔曰楊憑頃在先朝委以藩鎮累更選用位列大官近者憲司奏劾暴揚前事計錢累萬曾不報聞蒙蔽之罪於何逃責又營建居室制度過差侈靡之風傷我儉德以其自尹京邑人頗懷之將議刑書是加愍惻宜從遐譴以誠百僚可守賀州臨賀縣尉同正仍馳驛發遣先是憑在江西夷簡自御史出官在巡屬憑頗疎縱不顧接之夷簡常切齒及憑歸朝修第於永寧里功作併興又廣蓄妓妾於永樂里之別宅時人大以爲

言夷簡乘衆議舉劾前事且言修營之僭將欲殺之及

下獄置對數日未得其事夷簡持之益急

簿悲家貴翰林學士李絳

奏言憑所坐賊不上聞且貶焉追舊從事以驗州俄徙杭

當同逆人法乃止

以太子詹事卒

自貞元已來居方鎮者爲德宗所姑息故窮極

僭奢無所畏忌及憲宗卽位以法制臨下夷簡首舉憑

罪故時議以爲宜然繩之太過物論又譏其深切矣

字凝

懋功由協律郎三遷侍御史爲司封員外郎坐釐正嫡

勝封邑爲權倖所忌徙吏部稍遷右司郎中宣武董晉

表爲判官亳州刺史闕晉以凝行州事增墾田決汗堰

築隄防水患訖息時孟叔度橫縱撓軍治而凝亦荒酒

卒凌字恭履最善文終侍御史子敬之字茂孝元和初

擢進士第平判入等遷右衛胄曹參軍累轉屯田戶部

二郎中坐李宗閔黨貶連州刺史文宗向儒術以宰相

鄭覃兼國子祭酒俄以敬之代未幾兼太常少卿是日  
二子戎戴登科時號楊家三喜轉大理卿檢校工部尚  
書兼祭酒卒敬之常爲華山賦示韓愈愈稱之士林一  
時傳布李德裕尤咨賞敬之愛士類得其文章孜孜玩  
諷人以爲癖雅愛項斯爲詩所至稱之由是擢上第斯  
字子遷江東人敬之初客濮上見閩人濮陽愿聞其文  
大推挹徧語公卿間會愿死敬之爲歛葬

鄭元舉進士第累遷御史中丞貞元中爲河中節度使  
杜確行軍司馬確卒遂繼爲節度使八拜尚書左丞元  
和二年轉戶部侍郎兼御史大夫判度支三年春遷刑  
部尚書兼京兆尹九月復判度支依前刑部尚書兼御  
史大夫元性嚴毅有威斷更踐劇任時稱其能元和四  
年以疾辭職守本官逾月卒

杜兼字處宏

京兆人貞觀中宰相杜正倫五代孫舉進士

初正倫無子故以兄子志靜爲後父廩爲鄭州錄事參

軍事安祿山亂逃去賊索之急宋州刺史李岑以兵迎

之爲追騎所害兼尚幼逃入終南山伯父存介爲賊執

臨刑兼號呼願爲奴以贖遂皆免建中初進士高第

累辟諸府從事

徐泗節度使張拜濠州刺史兼性浮險

豪侈矜氣屬貞元中德宗厭兵革姑息戎鎮至軍郡刺

史亦難於更代兼探上情遂練卒修武占召勁勇三千

人以上聞乃恣兇威錄事參軍韋賞團練判官陸楚皆

以守職論事忤兼兼密誣奏二人通謀扇動軍中忽有

制使至兼率官吏迎於驛中前呼韋賞陸楚出宣制杖

殺之賞進士擢第楚充公象先之孫皆名家有士林之



譽一朝以無罪受戮郡中股慄天下冤歎之又誣奏李

藩將殺之語在藩事中故兼所至人側目焉元和初八

爲刑部吏部郎中刑部郎中改蘇州刺史比行上拜給

事中除金商防禦使旋授河南少尹知府事尋正拜河

南尹皆杜佑在相位所借護也元和四年卒於官年七十家

聚書至萬卷署其尾以墜鬻爲不孝戒子孫云從弟羔

貞元初及進士第有至性父死河北母更兵亂不知所

之羔憂號終日及兼爲澤潞判官鞠獄有媼辨對不凡

乃羔母因得奉養而不知父墓區處晝夜哀慟他日舍

佛祠觀柱間有文字乃其父臨死記墓所在羔奔往亦

有耆老識其壟因是乃得葬元和中和爲萬年令時許季

同爲長安令京兆尹元義方責租賦不時繫二縣吏將

罪之羔等辨列九苦尹不爲縱羔乃謁宰相請移散官

憲宗遣中使問狀具對府政苛細力不堪奉詔皆免官

奪尹三月俸議者以羔爲直未幾授戶部郎中後歷振

武節度使以工部尚書致仕卒贈尚書右僕射諡曰敬  
子中立字無爲以門蔭歷太子通事舍人開成初文宗  
欲以真源臨真二公主降士族謂宰相曰民間修昏姻  
不計官品而上閱我二百年天子顧不及崔盧邪  
詔宗正卿取世家子以聞中立及校書郎衛洙得召見  
禁中拜著作郎月中遷光祿少卿駙馬都尉尚真源長  
公主中立數求自試憤憤不樂因言朝廷法令備具吾  
若不任事何賴貴戚撓天下法邪帝聞異之轉太僕衛  
尉二少卿歷左右金吾大將軍京師惡少優戲道中具  
騶唱呵衛自謂盧言京兆驅放自如中立部從吏捕繫  
立箠死遷司農卿繩吏急反爲中傷左遷慶王傅久之  
復拜司農卿入謝帝曰卿用法深信乎答曰穀下百司  
養名不肯事如司農九叢劇陛下無遽信流言假臣數  
月事可濟帝許之初度支度六宮殮錢移司農司農季  
一出付吏大吏盡舉所給於人權其子錢以給之旣不  
以時黃門來督責慢罵中立取錢納帑舍率五日一出  
吏不得爲姦後遂以爲法加檢校右散騎常侍京兆尹  
闕宣宗將用之宰相以年少欲歷試其能更出爲義武  
節度使舊徭車三千乘歲輓鹽海瀕民苦之中立置飛  
雪將數百人具舟以載自是民不勞軍食足矣大中十

二年大水汎徐兗青鄆而滄地積旱中立自按行引御水入之毛河東注海州無水災卒年四十八贈工部尚書中立居官精明吏下寒慄畏伏中雖坐累免及復用亦不爲寬假其天資所長云

裴玢京兆人五代祖疏勒國王綽

新書名糾

武德中來朝授

鷹揚大將軍封天山郡公因留闕下遂爲京兆人玢初

爲金吾將軍論惟明僉德宗幸奉天以戰功封忠義郡

王惟明鎮鄜坊累署玢爲都虞候後節度使王栖曜卒

中軍將何朝宗謀作亂中夜縱火玢匿身不救火遲明

而擒朝宗德宗發三司使按問竟斬朝宗及行軍司馬

崔輅

新書名署

以同州刺史劉公濟爲節度使以玢爲坊州

長史兼侍御史充行軍司馬明年公濟卒拜玢鄜州刺

史兼御史大夫充節度觀察等使三年改授山南西道  
節度觀察等使玢歷二鎮頗以公清苦節爲政不交權  
倖不務貢獻蔬食敝衣居處纔避風雨而廩庫饒實三  
軍百姓安業近代將帥無比焉及綿疾辭位請歸長安  
入朝不事騶仗妻乘竹  
輿二侍婢黃碧縑服元和七年卒年六十五贈尙書  
左僕射諡曰節

薛伾勝州刺史渙之子尙父汾陽王召置麾下著名於  
諸將間左僕射李揆使西蕃伾爲將從役時賊泚之難  
昆夷赴義伾馳騎鄉導至於武功擢授左威衛將軍使  
絕域者前後數四累遷左金吾衛大將軍檢校工部尙

書兼將作監出爲鄜坊觀察使元和八年卒於官贈潞州大都督

史臣曰薛播溫敏有文鮑防董戎無術李說太原之政可謂美矣蕭昕抱則哲之知杜亞懷非次之望王緯清潔而傷苛碎若初善理而性剛嚴于頗好任機權趨附勢利盧徵厚斂貨賄結託中人楊憑好奢鄭元有斷杜兼殺戮端士怙亂邀君裴玢發姦謀安民和衆而玢敝衣糲食不交權倖帑庾咸實郡邑以寧若夫君子無求備於人舍短從長彰善癉惡則裴玢之善抑之更揚杜兼之惡欲蓋而彰耳

唐書卷第一百九十七



唐書卷第一百九十八

列傳九十八

杜黃裳

子載 勝

高郢

子定

杜佑

子式方 從郁 式方子悰 從郁子顓從新書增 牧

悰從新書增

杜黃裳字遵素京兆杜陵人也登進士第宏辭科杜鴻

漸深器重之爲郭子儀朔方從事子儀入朝令黃裳主

留務於朔方邠將李懷光與監軍陰謀代子儀乃僞爲

詔書欲誅大將溫儒雅等黃裳立辯其僞以詰懷光懷

光流汗伏罪諸將有難制者黃裳矯子儀命盡出之數

月而亂不作後入爲臺省官爲裴延齡所惡十年不遷

貞元末

拜太子賓客居韋曲時中人欲請其地賜公主德宗曰城南杜氏鄉里不可易爲太常



卿王叔文之竊權黃裳終不造其門嘗語其子壻韋執  
誼令率百官請皇太子監國執誼遽曰丈人纔得一官  
可復開口議禁中事邪黃裳勃然曰黃裳受恩三朝豈  
可以一官見買卽拂衣而出

皇太子總  
軍國事

尋拜平章事邠

州節度使韓全義曾居討伐之任無功黃裳奏罷之劉  
闢作亂議者以劍南險固不宜生事唯黃裳堅請討除  
憲宗從之又奏請不以中官爲監軍祇委高崇文爲使  
黃裳自經營伐蜀以至成功指授崇文無不懸合崇文  
素憚劉潼黃裳使人謂崇文曰若不奮命以劉潼代之  
由是得崇文之死力旣平闢宰臣入賀帝曰黃裳曰此

卿之功也後與憲宗語及方鎮除授黃裳奏曰德宗自  
艱難之後事多姑息貞元中每帥守物故必先命中使  
偵伺其軍動息其副貳大將中有物望者必厚賂近臣  
以求見用帝必隨其稱美而命之以是因循方鎮罕有  
特命帥守者陛下宜熟思貞元故事稍以法度整肅諸  
侯則天下何憂不治憲宗然其言帝嘗問前古王者所以治亂云云黃裳知  
帝銳於治恐不得其要因推言王者之道在修己任賢  
而已操執綱領要得其大者至簿書獄訟百吏能否本  
非人主所自任昔秦始皇帝親程決事見嗤前世魏明  
帝欲按尚書省事陳矯不從隋文帝日昃聽政衛士傳  
養太宗笑之故王者擇人任而責成見功必賞有罪信  
罰孰敢不力孔子之稱帝舜恭己南面以其能舉十六  
相去四凶而至無為豈必刑神疲體勞耳日  
之察然後為治哉帝以黃裳言忠嘉納之  
**由是用兵**

誅蜀夏之後不容藩臣蹇傲克復兩河威令復振蓋黃  
裳啟其衷也黃裳有經畫之才達於權變然檢身律物  
寡廉潔之譽以是居鼎職不久二年正月檢校司空同  
平章事兼河中尹河中晉絳等州節度使八月封邠國  
公三年九月卒於河中年七十一新書贈司徒諡曰宣  
獻黃裳性雅澹寬恕心雖從長口不忤物始爲卿士女  
嫁韋執誼深不爲執誼所稱及執誼譴逐黃裳終保全  
之洎死嶺表請歸其喪以辦葬事及是被疾醫人悞進  
其藥疾甚而不怒然爲宰相除授不分流品或官以賂  
遷時論惜之黃裳歿後賄賂事發八年四月御史臺奏

前永樂令吳憑爲僧鑒虛受託與故司空杜黃裳於故  
邢寧節度使高崇文處納賂四萬五千貫竝付黃裳男  
載按問引伏敕曰吳憑曾佐使府忝履宦途自宜畏法  
惜身豈得爲人通貨事關非道理合懲愆宜配流昭州  
其付杜載錢物宰輔之任寵寄實深致茲貨財不能拒  
絕已令按問悉合徵收貴全終始之恩俾宏寬大之典  
其所取錢物竝宜矜免杜載等竝釋放載爲太子僕長  
慶中遷太僕少卿兼御史中丞充入吐蕃使載弟勝登  
進士第大中朝位給事中

勝字斌卿寶厯初擢進士第  
楊嗣復數薦材堪諫官不爲

鄭覃所佑宣宗感章武舊事元和時大臣子若孫在者  
多振拔之帝嘗問勝勝具道黃裳首建憲宗監國議帝

嘉歎拜給事中遷戶部侍郎判度支欲倚為宰相及蕭  
鄴罷為中人沮毀而更用將仲以勝檢校禮部尚書出  
為天平節度勝子庭堅亦進士擢第  
使不得意卒

高郢字公楚其先渤海蓀人徙衛州遂為衛州人九歲通春秋能

屬文

著語默賦諸儒稱之

天寶末盜據京邑父伯祥先為好時尉

抵賊禁將加極刑郢時年十五被髮解衣請代其父賊

黨義之乃俱釋後舉進士第代宗為太后營章敬寺郢

孝因心與天罔極烝烝之思要無以加臣謂悉力追孝

誠為有益時勸人不得無損舍人就寺何福之為昔

魯莊公丹桓公廟楹而刻其桷春秋書之為非禮漢孝

惠孝景孝宣令郡國諸侯立高祖文武廟至元帝與博

士議郎樹酌古禮一罷之夫廟猶不越禮而立况寺非

宗祏所安神靈所宅乎釋萬人之力邀一切之報其為

不可亦明矣間者昆吾孔熾薦食生人百姓懍懍無日

不惕遺將攘却無尺寸功隴外壤地委諸豺狼太宗聽

難之業傳之陛下下一夫不獲尺土見侵告成之時猶恐  
有闕况用武以來十三年傷者不救死者不收繕卒補  
乘於今未已夫興師十萬日費千金計十三年舉百萬  
之衆資糧屏屢取足於人勞罷宛轉十不一在父子兄  
弟相視無聊延頸嗷嗷以役王命縱未能出禁財贍鰥  
寡猶當稍息勞敝以噢休之奈何戎虜未平侵地未復  
金革未戢疲人未撫太倉無終歲之儲大農有權酤之  
敝欲以此時興力役哉比八月雨不潤下菽麥失時黔  
首狼顧憂在艱食若遂不給將何以救之無寺猶可無  
人其可乎然土木之勤功用之費不虛府庫將焉取之  
府庫既竭則又誅求若人不堪命盜賊相挺而興戎狄  
乘間以爲風塵得不爲陛下深憂乎臣聞聖人受命於  
天以人爲主苟功濟於人天人不和則宗廟受福子孫  
蒙慶傳曰德教加於百姓刑於四海此天子之孝也又  
曰無念爾祖聿修厥德既受帝祉施於孫子是知王者  
之孝在於承順天地嚴配宗考恭順德教以臨兆民俾  
四海之內懽心助祭延福流祚永永無窮未聞崇樹梵  
宮彫琢金玉之爲孝者夏禹卑宮室盡力溝洫人到於  
今稱之梁武帝第土木飾塔廟人動衆踵梁武遺風乎及  
愛人當與夏后齊美何必勞人動衆踵梁武遺風乎及

制作之初支費尙淺人貴量力不貴必成事貴相時不  
貴必遂陛下若回思慮從人心則聖德孝思格於天地  
千福萬祿先后受之曾是一寺較功德邪書奏未報復  
上言王者將有爲也將有行也必稽於衆而順於人則  
自然之福不求而至未然而禍不除而絕臣聞神人無  
功者不爲有功之功莫大不爲可名之名故名莫厚古之  
有功之故功莫大不爲可名之名故名莫厚古之明  
王積善以致福不費財以求福修德以銷禍不勞人以  
攘禍陛下之營作臣竊惑之若以爲功則天覆地載陰  
施陽化未嘗有爲也若以爲名則至德要道以順天下  
未曾有待也若以致福則通於神明光於四海不在費  
財若以攘禍則方務厥德罔有天災不在勞人今興造  
趣急人徒竭作土木竝起日課萬工不遑食息榜笞愁  
痛盈於道路以此望福臣恐不然陛下戢定多難勵精  
思治務行寬仁以幸天下今固違羣情  
徇左右過計臣竊爲陛下惜之不納  
異行科授華陰尉嘗以魯不合用天子禮樂乃引公羊  
傳著魯議見稱於時由是授咸陽尉郭子儀節制朔方

辟爲掌書記子儀嘗怒從事張曇奏殺之郢極言爭救  
忤子儀旨奏貶猗氏丞李懷光節制邠寧奏爲從事累  
轉副元帥判官檢校禮部郎中懷光背叛將歸河中郢  
言西迎大駕豈非忠乎懷光忿而不聽及歸鎮又欲悉  
衆而西時渾瑊軍孤羣帥未集郢與李鄴誓死駐之屬  
懷光長子瑤候郢郢乃諭以逆順曰人臣所宜效順且  
自天寶以來阻兵者今復誰在况國家自有天命非獨  
人力今若恃衆西向自絕於天十室之邑必有忠信安  
知三軍不有奔潰者乎李瑤震懼流淚氣索明年春郢  
與都知兵馬使呂鳴岳都虞候張延英同謀間道上表



及受密詔事洩二將立死懷光乃大集將卒白刃盈庭  
引郢詰之郢挺然抗辭無所慙隱憤氣感發觀者淚下  
懷光慙沮而止德宗還京命諫議大夫孔巢父中人啖  
守盈赴河中宣慰懷光授以太保而懷光激怒其親兵  
詬詈殺守盈及巢父巢父之被刃也委於地郢就而撫  
之及懷光被誅李晟表其忠馬燧辟郢爲掌書記未幾徵拜  
主客員外遷刑部郎中改中書舍人凡九歲拜禮部侍  
郎時應進士舉者多務朋游馳逐聲名每歲冬州府薦  
送後唯追奉讌集罕肄其業郢性剛正尤嫉其風旣領  
職拒絕請託雖同列通熟無敢言者志在經藝專考程

試凡掌貢部三歲進幽獨抑浮華朋濫之風翕然一變

拜太常卿貞元十九年冬進位銀青光祿大夫守中書

侍郎同中書門下平章事順宗卽位轉刑部尙書爲韋

執誼等所憚尋罷知政事以本官判吏部尙書事明年

出鎮華州

初略元光自華引軍戍良原元光卒軍入神策而州仍歲餉其糧民困輸入累制史憚不

敢白鄂

元和元年冬復拜太常卿尋除御史大夫數月

轉兵部尙書逾月再表乞骸不許又上言曰臣聞勞生

佚老天理自然蠕動翾飛日入皆息自非貢禹之守經

據古趙喜之正身匪懈韓暨之志節高潔山濤之道德

模表縱過常期詎爲貪冒其有當仁不讓急病忘身豈

止君命猶宜身舉臣郢不才久尋高位無任由衷瀝懇  
之至乃授尚書右僕射致仕六年七月卒年七十二贈  
太子太保諡曰貞郢性恭慎廉潔罕與人交游守官奉  
法謹恪掌誥累年家無制草或謂之曰前輩皆留制集  
公焚之何也曰王言不可存私家時人重其慎密生平  
產有勸營之者答曰祿廩雖薄與鄭珣瑜竝命拜相未  
在我則有餘田莊何所取乎幾德宗升遐時同在相位杜佑以宿舊居上而韋執誼  
由明黨專柄順宗風恙方甚樞機不宜而王叔文以翰  
林學士兼戶部侍郎充度支副使是時政事王叔文謀  
議王伾通導李忠言宣下韋執誼奉行珣瑜自受命憂

形顏色至是以勢不可奪因稱疾不起郢則因循竟無所發以至於罷物論定此爲優劣焉子定嗣

新書贊曰王叔文雖內連姘尹外倚奸回以攘天權然長時太子已長朝無嫌罅若珣瑜郢與杜佑等毅然引東宮監國執退叔文輩其力不難顧循默苟安所謂焉用彼相者矣珣瑜一忿卧第與郢佑固位二者亦不足相輕重云

定幼聰警絕倫年七歲時讀尚書湯誓問郢曰奈何以臣伐君郢曰應天順人不爲非道又問曰用命賞於祖不用命戮於社是順人乎父不能對仕至京兆參軍小字董二人以幼慧多以字稱之尤精王氏易嘗爲易圖合入出以畫八卦上圓下方合則重轉則演七轉而六

十四卦六甲八節備焉著易外傳二十二卷

杜佑字君卿京兆萬年人曾祖行敏荆益二州都督府

長史南陽郡公祖慤右司員外郎詳正學士父希望歷

鴻臚卿恒州刺史西河太守贈右僕射重然諾所交游皆一時俊傑為

安陵令都督宋慶禮表其異政坐小累去官開元中交

河公主嫁突騎施詔希望為和親判官信安郡王禕表

署靈州別駕關內道度支判官自代州都督召還京師

對邊事元宗才之屬吐蕃攻勃律乞歸右相李林

甫方領龍西節度故拜希望鄯州都督知留後馳傳度

隴破烏莽衆斬千餘級進拔新城振旅而還擢鴻臚卿

於是置鎮西軍希望引師部分塞下吐蕃懼遺書求和

希望報曰受和臣下所得專虜悉衆爭壇泉希望大

小戰數十俘其大酋至莫門焚積蓄卒城而還授二子

官時軍屢興府庫虛寡希望居數歲芻粟金帛豐餘宦

者牛仙童行邊或勸希望結其歡答曰以貨藩身吾不

忍仙童還奏希望不職下遷恒州刺史徙西河而仙童

受諸將金事泄抵死畀金者皆得罪希望愛

佑以蔭入

重文學門下所引如崔顥等皆名重當時  
仕補濟南郡參軍剡縣丞時潤州刺史韋元甫常受恩  
於希望佑謁見元甫未之知以故人子待之他日元甫  
視事有疑獄不能決佑時在旁元甫試訊於佑佑口對  
響應皆得其要元甫奇之乃奏爲司法參軍元甫爲浙  
西觀察淮南節度皆辟爲從事深所委信累官至檢校  
主客員外郎入爲工部郎中充江淮青苗使轉撫州刺  
史改御史中丞充容管經畧使楊炎入相徵入朝歷工  
部金部二郎中竝充水陸轉運使改度支郎中兼和糴  
等使時方軍興餽運之務悉委於佑遷戶部侍郎判度

支建中初河朔兵挈戰民困賦無所出佑以為救弊莫如省用省用則省官乃上議曰漢光武建武中廢縣

四百吏率十署一魏太和時分遣使者省吏員正始時

并郡縣晉太元省官七百隋開皇廢郡五百貞觀初省

內官六百員設官之本以治眾庶故古者計人置吏初省

肯虛設自漢至唐因征戰艱難以省吏員誠救弊之切

也昔咎繇作士今刑部尚書大理卿則二咎繇也垂作

共工部尚書則二尚書將作監則二垂也契作司徒司徒

戶部尚書則二契也伯夷為秩宗今禮部尚書禮儀使

則二伯夷也伯益為虞今虞部郎中都水使者則二伯

益也伯益為太僕今太僕卿駕部郎中尚輦奉御閑廐

使則四伯益也古天子有六軍漢前後左右將軍四人

今十二衛神策八軍凡將軍六十員舊名不廢新資日

加且漢置別駕隨刺史巡察猶今觀察使之有副也參

軍者參其府軍事猶今節度判官也官名職務直遷易

不同爾詎有事實哉誠宜斟酌繁省既無關員則置員外

神龍中官紀蕩然有司大集選者既無關員則置員外

官二千八百餘萬帑藏豐溢雖有浮費不足為憂今黎苗凋瘵

九百餘萬帑藏豐溢雖有浮費不足為憂今黎苗凋瘵

天下戶百三十萬陛下詔使者按比纔得三百萬比天

實三分之一就中浮寄又五之二出賦者已耗而食之者如舊安可不革議者以天下尚有跋扈不延一省官吏被罷者皆往託焉此常情之說類非至論且才者薦用不才者何患其亡又況顧姻戚家產哉建武時公孫述隗囂未滅太和正始太元時吳蜀鼎立開皇時陳尚割據皆羅取俊又猶不慮失人以資敵今田悅輩繁刑暴賦唯軍是卹遇士人如奴固無范曄業秦賈季強狄之患若以習久不可以遽改且應權省別駕參軍司馬州縣額內官約戶置尉當罷者有行義在所以聞不如狀舉者當坐不爲人舉者任參常調亦何患哉如魏置住國當時宿德盛業者居之貴寵第一周隋間授受已多國家以爲勲級纔得地三十頃耳又開府儀同三司光祿大夫亦官名以其太多回作階級隨時立爲盧杞所制遇弊則變何必因循憚改作邪疏入不省爲盧杞所惡出爲蘇州刺史佑母在杞以蘇州憂闕授之佑不行俄換饒州刺史未幾兼御史大夫充嶺南節度使時德宗在興元朝廷故事執政往往遺脫舊嶺南節度常兼



五管經畧使佑獨不兼故五管不屬嶺南自佑始也佑

開大衛疏折厘閉以息火災朱崖貞元三年徵爲尚書

左新書丞又出爲陝州觀察使遷檢校禮部尚書揚州

大都督府長史充淮南節度使丁母憂特詔起復累轉

刑部尚書檢校右僕射十六年徐州節度使張建封卒

其子愔爲三軍所立詔佑以淮南節度檢校左僕射同

平章事兼徐泗節度使委以討伐佑乃大具舟艦遣將

孟準先當之準渡淮而敗佑杖之固境不敢進及詔以

徐州授愔而加佑兼濠泗等州觀察使在揚州開設營

壘三十餘所士馬修葺然於賓僚間依阿無制判官南

宮傳李亞鄭元均爭權頗紊軍政德宗知之竝竄於嶺

外十九年入朝拜檢校司空同平章事充太清宮使德

宗崩佑攝冢宰尋進位檢校司徒充度支鹽鐵等使依

前平章事旋又加宏文館大學士時王叔文爲副使佑

雖總統而權歸叔文後叔文以排喪還第佑有所按決郎中陳諫請須叔文佑曰使不可

專邪乃出諫爲河中少尹叔文欲擢東宮叔文敗又奏

冀佑爲助佑不應乃謀逐之未決而敗

李巽爲副使頗有所立順宗崩佑復攝冢宰尋讓金穀

之務引李巽自代先是度支以制用惜費漸權百司之

職廣署吏員繁而難理佑始奏營繕歸之將作木炭歸

之司農染練歸之少府綱條頗整公議多之朝廷允其

議元和元年冊拜司徒同平章事封岐國公時河西党  
項潛導吐蕃入寇邊將邀功亟請擊之佑上疏論之曰  
臣伏見党項與西戎潛通屢有降人指陳事迹而公卿  
廷議以爲誠當謹兵戎備侵軼益發甲卒邀其寇暴此  
蓋未達事機匹夫之常論也夫蠻夷猾夏唐虞已然周  
宣中興獫狁爲害但命南仲往城朔方追之太原及境  
而止誠不欲弊中國而怒遠夷也秦平六國恃其兵力  
北築長城以拒匈奴西逐諸羌出於塞外勞力擾人結  
怨階亂中國未靜白徒競起海內雲擾實坐謫戍漢武  
因文景之富命將興師遂至戶口減半竟下哀痛之詔

罷田輪臺前史書之尙嘉其先迷而後復蓋聖王之理  
天下也唯務綏靜蒸人西至流沙東漸於海在南與北  
亦存聲教不以遠物爲珍匪求遐方之貢豈疲內而事  
外終得少而失多故前代納忠之臣竝有匡君之議淮  
南王請息師於閩越賈捐之願棄地於珠崖安危利害  
高懸前史昔馮奉世矯漢帝之詔擊莎車傳其王首於  
京師威震西域宣帝大悅議加爵土之賞蕭望之獨以  
爲矯制違命雖有功效不可爲法恐後之奉使者爭遂  
發兵爲國家生事述理明白其言遂行國家自天后已  
來突厥默啜兵強氣勇屢寇邊城爲害頗甚開元初邊

將郝靈佺親捕斬之傳首闕下自以爲功代莫與二坐  
望榮寵宋璟爲相慮武臣邀功爲國生事止授以郎將  
由是訖開元之盛無人復議開邊中國遂寧外夷亦靜  
此皆成敗可徵鑒戒非遠且党項小蕃雜處中國本懷  
我德常示撫綏間者邊將非廉亟有侵刻或利其善馬  
或取其子女便賄方物徵發役徒勞苦旣多叛亡遂起  
或與北狄通使或與西戎寇邊有爲使然固當懲革傳  
曰遠人不服則修文德以來之管子曰國家無使勇猛  
者爲邊境此誠聖哲識微知著之遠畧也今戎醜方強  
邊備未實誠宜慎擇良將誠之完葺使保誠信絕其求

取用示懷柔來則懲禦去則謹備自然彼當懷柔革其  
姦謀何必遽圖興師坐致勞費陛下上聖君人覆育羣  
類動必師古謀無不臧伏望堅保永圖置兵衽席天下  
幸甚臣識昧經綸學慙博究竊鼎鉉之寵任爲朝廷之  
老臣恩深莫倫志懇思報臧否備闕芻蕘上陳有瀆旒  
屐伏深惶悚上深嘉納歲餘請致仕詔不許但令三五  
日一入中書平章政事每入奏事憲宗優禮之不名常  
呼司徒佑城南樊川有佳林亭卉木幽邃佑每與公卿  
讌集其間廣陳妓樂諸子咸居朝列當時貴盛莫之與  
比元和七年被疾六月復乞骸骨表四上情理切至憲

宗不獲已許之詔曰宣力濟時爲臣之懿躅辭榮告老  
行已之高風況乎任重公台義深翼贊秉沖讓之志堅  
金石之誠敦諭旣勤所執彌固則當遂其衷懇進以崇  
名尚齒優賢斯王化之本也金紫光祿大夫守司徒同  
中書門下平章事兼充宏文館大學士太清宮使上柱  
國岐國公食品三千戶杜佑巖廊上才邦國茂器蘊經  
通之識履溫厚之姿寬裕本乎性情謀猷彰乎事業博  
聞強學知歷代沿革之宜爲政惠人審羣黎利病之要  
由是再司邦用累歷藩方出總戎麾人和鼎寶聿膺重  
寄歷事先朝左右朕躬夙夜不懈命以詔冊登之上公

肅恭在廷華髮承弁茲可謂國之元老人之具瞻者也  
朕纘承丕業思宏景化選勞求舊期致時邕方伸引翼  
之儀遽抗懸車之請而又固辭年疾乞就休閑已而復  
求星珣屢變有不可抑良用耿然永惟古先哲王君臣  
之際臣有耆艾以求其退君有優賜以徇其情乃輟鄧  
禹敷教之功仍增王祥輔導之秩俾養浩然之氣安於  
敬止之鄉庶乎怡神保和永綏福履仍加階級以厚寵  
章可光祿大夫守太保致仕宜朝朔望是日上遣中使  
就佑第賜絹五百疋錢五百千其年十一月薨壽七十  
八廢朝三日冊贈太傅諡曰安簡佑性敦厚強力九精



吏職雖外示寬和而持身有術爲政宏易不尙儆察掌  
計治民物使而濟馭戎應變卽非所長性嗜學該涉古  
今以富國安人之術爲己任初開元末劉秩採經史百  
家之言取周禮六官所職撰分門書三十五卷號曰政  
典大爲時賢稱賞房琯以爲才過劉更生佑得其書尋  
味厭旨以爲條目未盡因而廣之加以開元禮樂書成  
二百卷號曰通典貞元十七年自淮南使人詣闕獻之  
曰臣聞太上立德不可庶幾其次立功遂行當代其次  
立言見志後學由是往哲遞相祖述將施有政用乂邦  
家臣本以門資幼登官序仕非遊藝才不逮人徒懷自

強頗玩墳籍雖履歷叨幸或職劇務殷竊惜光陰未嘗  
輕廢夫孝經尚書毛詩周易三傳皆父子君臣之要道  
十倫五教之宏綱如日月之下臨天地之大德百王是  
式終古攸遵然多記言罕存法制愚管窺測莫達高深  
輒肆荒虛誠爲臆度每念懵學莫探政經畧觀歷代衆  
賢著論多陳素失之弊或闕匡拯之方臣旣庸淺寧詳  
損益未原其始莫暢其終尚賴周氏典禮秦皇蕩滅不  
盡縱有繁雜且用準繩至於往昔是非可爲今來龜鏡  
布在方冊亦麤研尋自頃續修年踰三紀識寡思拙心  
昧辭蕪圖籍寔多事目非少將事功畢罔愧乖疎固不

足發揮大猷但竭愚盡慮而已書凡九門計二百卷不敢不具上獻庶明鄙志所之塵瀆聖聰兢惶無措優詔嘉之命藏書府其書大傳於時禮樂刑政之源千載如指諸掌大爲士君子所稱佑性勤而無倦雖位極將相手不釋卷質明視事接對賓客夜則燈下讀書孜孜不怠與賓佐談論人憚其辨而伏其博設有疑悞亦能質正始終言行無所玷缺唯在淮南時妻梁氏亡後升嬖妾李氏爲正室封密國夫人親族子弟言之不從時論非之三子師損嗣位終司農少卿

式方字考元以蔭授揚府參軍轉常州晉陵尉浙西觀

察使王緯辟爲從事入爲太子通事舍人改太常寺主簿明練鐘律有所考定深爲高郢所賞時父作鎮揚州家財鉅萬甲第在安仁里杜城有別墅亭館林池爲城南之最昆仲皆在朝廷與時賢遊從樂而有節旣而佑入中書出爲昭應令丁父憂服闋遷司農少卿賜金紫加正議大夫太僕卿時少子悰選尙公主式方以右戚移病不視事久之穆宗卽位轉兼御史中丞充桂管觀察都防禦使長慶二年三月卒於位贈禮部尙書式方性孝友弟兄尤睦季弟從郁少多疾病式方每躬自煎調藥膳水飲非經式方之手不入於口及從郁夭喪終

年號泣殆不勝情士友多之子憚憚惇惇惇惇富平尉憚與平尉

惇

字永裕

以蔭三遷太子司議郎元和九年遷尙公主召

見於麟德殿尋尙岐陽公主加銀青光祿大夫殿中少監駙馬都尉岐陽憲宗長女郭妃之所生自頃選尙多於貴戚或武臣節將之家於時翰林學士獨孤郁權德輿之女壻時德輿作相郁避嫌辭內職上頗重學士不獲已許之且歎德輿有佳壻遂令宰臣於卿士家選尙文雅之士可居清列者初於文學後進中選擇皆辭疾不應唯惇願焉

大和初由  
澧州刺史

累遷至司農卿大和六年

文宗

年紀五轉京兆尹七年檢校刑部尙書出爲鳳翔尹鳳翔

隴右節度使丁內艱八年起復授忠武軍節度使陳許

蔡觀察等使就加兵部尙書開成初入爲工部尙書判

度支屬岐陽公主薨久而未謝文宗怪之問左右戶部

侍郎李珣對曰近日駙馬爲公主服斬衰三年所以士

族之家不願爲國戚者半爲此也杜悰未謝拘此服紀

也上愕然曰予初不知乃詔曰制服輕重必由典禮如

聞往者駙馬爲公主服三年緣情之義殊非故實違經

之制今乃聞知宜令行杖周永爲通制三年改戶部尙

書兼判戶部度支事

會昌初爲淮南節度使武宗詔揚州監軍取倡家女十七人進禁中

監軍請侬同選又欲閱良家有姿相者侬曰吾不奉詔而輒與罪也監軍怒表於帝帝以侬有大臣體乃詔罷所進伎有意會昌中拜中書侍郎檢校尚書同中書門

倚侬為相矣

下平章事仍判度支

尋加左僕射

兼門下侍郎未幾以本官罷出為劍南東

川節度使

大中初出鎮西川降先沒吐蕃維州州即古

西戎地也其地南界江陽岷山連嶺而西不知其極北

望隴山積雪如玉東望成都若在井底地接石紐山夏

禹生於石紐山是也其州在岷山之孤峯三面臨江天

寶後河隴繼陷惟此州在焉吐蕃利其險要二十年間

設計得之遂據其城因號曰無憂城吐蕃由是不虞叩

蜀之兵先是李德裕鎮西川維州吐蕃首領悉怛謀以

城來降德裕奏之執政者與德裕不協遽勒還其城至

是復收之亦不因兵刃乃人情所歸也復鎮淮南時方旱道路流亡藉

藉民至漉漕渠餘米自給呼為聖米取陂澤芟蒲實皆盡

罷兼太子太傅分司俄復入相召為右僕射判度支

東都踰歲起為留守章事始宣宗世夔王以下五王處大明宮內院而鄆王

居十六宅帝大漸樞密使王歸長馬公儒等以遺詔立

夔王而左軍中尉王宗實等入殿中以為歸長等矯詔

乃迎鄆王立之是為懿宗久之遣樞密使楊慶詣中書

獨揖惛他宰相畢誠杜審權蔣伸不敢進乃授惛中人

請帝監國奏因論惛劾大臣名不在者抵罪惛遽封授

使者復命謂慶曰上踐祚未久君等秉權以愛憎殺

大臣公屬禍無日矣慶色沮去帝怒亦釋大臣遂安

司空繼加司徒以檢校司徒為鳳歷鎮重藩至是加太

傅邠國公會黔南觀察使秦匡謀討蠻兵敗奔於惛惛

囚之劾不能伏節有詔斬之惛不意其死駭



愕得疾卒年八十贈太師  
葬日詔宰相百官臨奠  
惇無他才常延接寒素甘食

竊位而已

人將相而厚自奉養未嘗薦進幽隱佑之素

風衰焉故時號秃角犀子裔休懿宗時歷翰林學士給  
事中坐事貶端州司馬孺休字休之累擢給事中大順  
初錢鏐遣弟鉅率兵擊徐約於蘇州破之以海昌都將  
沈粲行刺史事而昭宗更命孺休為之以粲為制置指  
揮使鏐不悅密遣粲害焉始孺休見攻也曰勿殺我當  
與而金粲曰殺爾金焉往與兄述休同死惇弟惇咸通  
中為泗州刺史會龐勛反圍城處士辛謙自廣陵來見  
惇勸出家屬獨以身守惇曰吾出百口求生眾心搖矣  
不如與將士死生共之眾間皆泣下惇之聞難完潯城  
隍閫器械無不具賊將李圓易惇馳勇士百人欲入封  
府庫惇為好言厚禮迎勞賊不虞惇之謀也明日伏甲  
士三百宴建場賊皆殲焉圓怒傳城戰惇殺數百人圓  
退壁城西助聞益其兵而以書射城中促降會夜擊鼓  
乘城大呼圓氣奪奔還徐州未幾賊焚淮口晝夜戰不  
息謙乃請救於戍將郭厚本賊解去浙西節度使杜審  
權遣將以兵千人來援反為圓軍所包一軍盡沒惇使

人間道走京師詔戴可師以沙陀吐渾兵二萬招討淮南節度使令狐絢遣牙將李湘屯淮口與郭厚本合爲圓所敗湘等竝沒於是援絕賊乃以鐵鑲絕淮流梯衝乘城糧盡爲薄饘以給懿宗遣使加怙檢校右散騎常侍勉以堅守助遣圓入城見怙約降怙怒殺之勛復遣之書怙答書言安祿山朱泚等終底覆滅者以陰搆其黨勛累攻不得志會招討使馬舉率兵至遂解去圍凡十月怙拊循士皆殊死奮而辛讜昌圍出入糾輯援師卒完一州時稱爲難賊平怙遷義成軍節度使檢校兵部尚書卒

從郁以蔭貞元末再遷太子司議郎元和初轉左補闕諫官崔羣韋貫之獨孤郁等以從郁宰相子不合爲諫官乃降授左拾遺羣等復執曰拾遺之與補闕雖資品有殊皆名諫列父爲宰相子爲諫官若政有得失不可使子論父乃改爲祕書丞終駕部員外郎子牧顓俱登

進士第顗後病目而卒

顗字勝之幼病目母禁其為學舉進士禮部侍郎賈餗語人曰

得杜顗足敵數百人授祕書省正字李德裕奏為浙西府賓佐德裕貴盛賓客無敢忤顗數諫正之及謫袁州歎曰門下愛我皆如顗吾無今日大和末召為咸陽尉直史館常語人曰李訓鄭注必敗行未及都間難作疏辭疾歸顗亦善屬文與牧相上下竟以喪明卒

牧字牧之既以進士擢第又制舉登乙第解褐宏文館

校書郎試左武衛兵曹參軍沈傳師廉察江西宣州辟

牧為從事試大理評事又為淮南節度推官監察御史

裏行轉掌書記俄真拜監察御史分司東都以弟顗病

目棄官授宣州團練判官殿中侍御史內供奉

是時劉從諫守

澤潞何進滔據魏博頗驕蹇不循法度牧追咎長慶以來朝廷措置亡術復失山東鉅封劇鎮所以繫天下輕



若滿無人地郭李輩兵五十萬不能過鄆自爾百餘城  
 天下力盡不得尺寸人望之若回鶻吐蕃義無敢窺者  
 國家因之哇河修郭戍塞其街蹊齊魯蔡彼其風流  
 因以爲寇以裏託表以表撐裏混潁同轉顛倒橫邪未  
 嘗五年間不戰生人日頓委四夷日昌熾天子因之幸  
 陝幸漢中焦然七十餘年運遭孝武瀚衣一肉不敗  
 不樂自卑兀中拔取將相凡十三年乃能盡得河南山  
 西地洗削更革罔不順適唯山東不服亦再攻之皆不  
 利豈天使生人未至於帖泰邪豈人謀未至邪何其艱  
 哉今日天子聖明超出于古昔志於平治若欲悉使生人  
 無事其要先去兵不得山東兵不可去今者上策莫如  
 自治何者當貞元時山東有燕趙魏叛河南有齊蔡叛  
 梁徐陳汝白馬津盟津襄鄧安黃壽春皆戍厚兵十餘  
 所纔足自護治所實不輟一人以他使遂使我力解勢  
 弛熟視不軌者無可奈何階此蜀亦叛吳亦叛其他未  
 叛者迎時上下不可保信自元和初至今二十九年間  
 得蜀得吳得蔡得齊收郡縣二百餘城所未能得雖山  
 東百城耳土地人戶財物甲兵較之往年豈不綽綽乎  
 亦足自以爲治也法令制度品式條章果自治乎賢才  
 姦惡搜選置捨果自治乎鄆戍鎮守干戈車馬果自治

乎井間阡陌倉廩財賦果自治乎如不果自治是助虜  
爲虜環土三千里植根七十年復有天下陰爲之助則  
安可以取故曰上策莫如自治中策莫如取魏魏於山  
東最重於河南亦最重魏在山東以其能遮趙也既不  
可越魏以取趙固不可越趙以取燕是燕趙常取重於  
魏魏常操燕趙之命故魏在山東最重黎陽距白馬津  
三十里新鄉距盟津一百五十里陴壘相望朝駕暮戰  
是二津虜能潰一則馳入成臯不數日間故魏於河南  
亦最重元和中舉天下兵誅滄頓之三年無山東憂者亦  
憂者以能得魏也昨日誅滄頓之三年無山東憂者亦  
以能得魏也長慶初誅趙一日五諸侯兵四出潰解以  
失魏也昨日誅趙罷如長慶時亦以失魏也故河南山  
東之輕重在魏非魏強大形勢使然也故曰取魏爲中  
策最下策爲浪戰者不計地勢不審攻守是也兵多粟多  
國人使戰者便於守兵少粟少人不敵自戰者便於戰  
故我常失於戰而虜常困於守山東叛且三五世後生  
所見言語舉止無非叛也以爲事理正當如此沈醅入  
骨髓無以爲非者至有圍急食盡啖屍以戰以此爲俗  
豈可與決一勝一負哉自十餘年凡三收趙趙食盡且下  
鄒士美敗趙復振杜叔良敗趙復振李聽敗趙復振故

日不計地勢不審攻守爲浪戰最下策也遷左補闕史館修撰轉膳部比部

員外郎竝兼史職出牧黃池睦三郡復遷司勳員外郎

史館修撰轉吏部員外郎又以弟病免歸授湖州刺史

入拜考功郎中知制誥歲中遷中書舍人牧好讀書工

詩爲文嘗自負經緯才畧少與李甘李中敏宋祁善其通古今善處成敗甘等不及

也武宗朝誅昆夷鮮卑牧上宰相書論兵事言胡戎入

寇在秋冬之間盛夏無備宜五六月中擊胡爲便李德

裕稱之會昌中黠戛斯破回鶻回鶻種落潰入漠南牧說德裕不如遂取之以爲兩漢伐虜常以秋冬

當匈奴勁弓折膠重馬免乳與之相校故敗多勝少今

若以仲夏發幽并突騎及酒泉兵出其意外一舉無類矣德裕善之會劉稹拒命詔諸鎮兵討之牧復遺書於德裕以河陽西北去天井關強百里用萬人爲壘窒其

口深壁勿與戰成德軍世與昭義爲敵王元逵思一雪  
以自奮然不能長驅徑擣上黨其必取者在西面今若  
以忠武武寧兩軍益青州精甲五千宣潤弩手二千道  
絳而入不數月必覆賊巢昭義之食盡仰山東常日節  
度使率留食邢州山西兵單少可乘機襲取故兵  
聞拙速未睹巧之入也俄而澤潞平畧如牧策 注曹  
公所定孫武十三篇行於代牧從兄悰隆盛於時牧居  
下位心常不樂將及知命得病自爲墓志祭文悉取所爲文章  
之焚又嘗夢人告曰爾改名畢踰月奴自家來告曰炊將  
熟而甑裂牧曰皆不祥也俄又夢書行紙曰皎皎白駒  
在彼空谷寤寢而歎曰此過隙也吾生於角徵還於角  
爲第八宮吾之甚厄也予自湖守遷舍人木還角足矣  
其年以疾終於安仁里年五十有集二十卷曰杜氏樊



川集行於代

牧於詩情致豪邁人號爲小杜以別杜甫云

子德祥官至丞郎

史臣曰黃裳以道致君持誠奉主辨懷光之詐罷全義

之征討賊闢之兇舉無遺算葬執誼之柩豈曰不仁郢

天縱之性總中之年代父命於臨刑孝也懷光之亂王

人被傷撫巢父於賊庭義也抑浮濫之流考藝文之士

盡搜兩滯大變時風正也保止足之名辭榮辱之路高

避世利遐躅昔賢智也忠孝全矣仁智備矣此二子者

皆臨大節而不可奪也佑承蔭入仕讞獄受知博古該

今輸忠效用位居極品榮逮子孫操修之報不亦宜哉

及其實僚系法嬖妾受封事重因循難乎語於正矣牧

之文章  
懔之長厚  
能否既異  
才位不倫  
命矣夫  
贊曰  
貞公壯節  
臨難奮發  
言行無玷  
斯爲明哲  
截亂阜  
俗時泰  
位隆國之  
名臣  
邠公岐公

唐書卷第一百九十八



唐書卷第一百九十九

列傳五

裴洎

李吉甫

父栖筠從新書增  
子德修

李藩

權德輿

父皐書增  
子璩從新

裴洎字宏中河東聞喜人垂拱中宰相居道七代孫洎弱冠舉進士貞元中制舉賢良極諫對策第一授美原縣尉秩滿藩府交辟皆不就拜監察御史轉殿中侍御史尚書禮部考功二員外郎時吏部侍郎鄭珣瑜請洎考詞判洎守正不受請託考覈皆務才實元和初召入翰林爲學士轉考功郎中知制誥尋遷中書舍人李吉甫自翰林承旨拜平章事詔將下之夕感出涕謂洎曰

吉甫自尙書郎流落遠地十餘年方歸便入禁署今纔滿歲後進人物罕所接識宰相之職宜選擢賢俊今則懵然莫知能否卿多精鑒今之才傑爲我言之玠取筆疏其名氏得三十餘人數月之內選用畧盡當時翕然稱吉甫有得人之稱三年詔舉賢良時有皇甫湜對策其言激切牛僧孺李宗閔亦苦詆時政考官楊於陵韋貫之升三子之策皆上第玠居中覆視無所同異及爲貴倖泣訴請罪於上憲宗不得已出於陵貫之官罷玠翰林學士除戶部侍郎然憲宗知玠好直信任彌厚其年秋李吉甫出鎮淮南遂以玠代爲中書侍郎同平章

事明年加集賢院大學士監修國史<sub>洎</sub>奏集賢御書院  
請準六典登朝官五品已上爲學士六品已下爲直學  
士自非登朝官不問品秩竝爲校理其餘名目一切勒  
停史館請登朝官入館者竝爲修撰非登朝官竝爲直  
史館仍永爲常式皆從之元和五年中風病憲宗甚嗟  
惜中使旁午致問至於藥膳進退皆令疏陳疾益痼罷  
爲兵部尙書仍進階銀青明年改太子賓客<sub>洎之進李</sub>  
力及居中多變更吉甫時約束吉甫復用銜之會<sub>洎與</sub>  
史官<sub>蔣武等上德宗實錄吉甫以洎引疾解史任不宜</sub>  
冒奏乃徙<sub>洎</sub>太子卒廢朝賻禮有加贈太子少傅<sub>初不</sub>  
賓客罷武等史官<sub>給事中劉伯芻表其</sub>初<sub>洎</sub>在翰林承旨屬憲宗初平吳  
忠帝乃贈太子太傅

蜀勵精思理機密之務一以關垧垧小心敬慎甚稱中  
旨及作相之後懇請旌別淑慝杜絕蹊徑齊整法度考  
課吏理皆蒙垂意聽納吐突承璀自春宮侍憲宗恩顧  
莫二承璀承間欲有所關說憲宗憚垧誠勿復言在禁  
中嘗以官呼垧而不名楊於陵爲嶺南節度使與監軍  
許遂振不和遂振誣奏於陵憲宗令追與冗官垧曰以  
遂振故罪一藩臣不可請授吏部侍郎嚴綬在太原其  
政事一出監軍李輔光綬但拱手而已垧具奏其事請  
以李鄴代之王士真死其子承宗以河北故事請代父  
爲帥憲宗意速於太平且頻盪寇孽謂其地可取吐突

承瓘恃恩謀撓垧權遂伺君意請自征討盧從史陰苞  
逆節內與承宗相結約而外請興師以圖厚利垧極陳  
其不可且言武俊有大功於朝前授李師道而後奪承  
宗是賞罰不一無以沮勸天下逗留半歲憲宗不決承  
瓘之策竟行及師臨賊境從史果攜貳承瓘數督戰從  
史益驕倨反覆官軍病之時王師久暴露無功上意亦  
怠後從史遣其衙門將王翊元入奏垧延與語微動其  
心且喻以爲臣之節翊元因吐誠言從史惡稔可圖之  
狀垧遣再往比復還遂得其大將烏重肩等要領垧因  
從容啟言從史暴戾有無君之心今聞其視承瓘如嬰



孩往來神策壁壘間益自恃不嚴是天亡之時也若不因其機而致之後雖興師未可以歲月破也憲宗初愕然熟思其計方許之垧因請密其謀憲宗曰此唯李絳梁守謙知之時絳承旨翰林守謙掌密命後承瓘竟擒從史平上黨其年秋班師垧以承瓘首唱用兵今還無功陛下縱念舊勞不能加顯戮亦請貶黜以謝天下遂罷承瓘兵柄先是天下百姓輸賦於州府一曰上供二曰送使三曰留州建中初定兩稅時貨重錢輕是後貨輕錢重齊人所出固已倍其初征而其留州送使所在長吏又降省估使就實估以自封殖而重賦於人及垧

爲相奏請天下留州送使物一切令依省估其所在觀察使仍以其所莅之郡租賦自給若不足然後許徵於支郡其諸州送使額悉變爲上供故江淮稍息肩垧雖年少驟居相位而器局峻整有法度雖大僚前輩其造請不敢干以私諫官言時政得失舊事操權者多不悅其舉職垧在中書有獨孤郁李正辭嚴休復自拾遺轉補闕及參謝之際垧廷語之曰獨孤與李二補闕孜孜獻納今之遷轉可謂酬勞無媿矣嚴補闕官業或異於斯昨者進擬不無疑緩休復慙而退垧在翰林舉李絳崔羣同掌密命及在相位用韋貫之裴度知制誥擢

李夷簡爲御史中丞其後繼踵人相咸著名跡其餘量材賦職皆協人望選任之精前後莫及議者謂均作相才與時會知無不爲於時朝無倖人百度寢理而再周遘疾以至休謝公論惜之

京兆少尹裴武使王承宗還得德棣二州已而地不入或

言武還先見均明日乃朝帝怒召學士李絳議斥武絳言均身備宰相明練時事勢不容先見武帝悟釋之議者謂帝知均明倚任方篤尙不免疑嫌以信處位之難云

李吉甫字宏憲趙郡人父栖筠代宗朝爲御史大夫名

重於時國史有傳

栖筠字貞一幼孤有遠度壯重寡言體貌軒特喜書多所通曉爲文章勁

迅有體要不妄交游族子華每稱有王佐才士多慕向始居汲共城山下華固請舉進士俄擢高第調冠氏主簿太守李峴視若布衣交遷安西封常清節度府判官常清被召表攝監察御史爲行軍司馬肅宗駐靈武發

安西兵栖筠料精卒七千赴難擢殿中侍御史李峴爲  
大夫以三司按羣臣陷賊者表柄筠爲詳理判官推原  
其人所以脅汙者輕重以情悉心助峴故峴愛恕之譽  
一旦出呂誣崔器上三遷吏部員外郎判南曹時大盜  
後選簿亡舛多僞冒柄筠判析有條吏氣奪號神明遷  
山南防禦觀察使會峴去相柄筠坐所善除太子中允  
衆不直改河南令李光弼守河陽高其才引爲行軍司  
馬兼糧料使改絳州刺史擢累給事中是時楊綰以進  
士不擢舉但試辭賦浮文非取士之實請置五經秀才  
科詔羣臣議柄筠與賈至李廙以綰所言爲是進工部  
侍郎關中舊仰鄭白二渠溉田而豪戚壅上游取磴利  
且百所奪農用十七柄筠請皆撤毀歲得租二百萬民  
賴其入慰然有宰相望元載忌之出爲常州刺史歲仍  
旱編人死徙踵路栖筠爲浚渠廝江流灌田遂大稔宿  
賊張度保陽羨西山累年吏討不克至是發卒捕斬支  
黨皆盡里無吠狗乃大起學校堂上畫孝友傳示諸生  
爲鄉飲酒禮登歌降飲人人知勸以治行進銀青光祿  
大夫封贊皇縣子賜一子官人爲刻石頌德蘇州豪士  
方清因歲凶誘流殍爲盜積數萬依黔歛間阻山自防  
東南厭苦詔李光弼分兵討平之會平盧行軍司馬許

果詩功擅留上元有窺江吳意朝廷以創殘重起兵卽  
拜栖筠浙西都團練觀察使圖之栖筠至張設武備悉  
辨上厚齋金幣抵果軍賞勞使士歆愛奪其謀果懼悉  
衆度江掠楚泗而潰以功進兼御史大夫則又增學廬  
表宿儒河南褚沖吳何員等超拜學官爲之師身執經  
問義遠過趨慕至徒數百人又奏部豪姓多徙貫京兆  
河南規脫徭徭科請量產出賦以杜姦謀詔可元載當國  
久益恣橫代宗不能堪陰引剛鯁大臣自助欲收綱權  
以黜載會御史大夫敬括卒卽召栖筠與河南尹張延  
賞釋可爲大夫者延賞先至遂代括會李少良陸挺上  
書劾載陰事詔御史問狀廷賞稱疾不敢鞠少良挺覆  
得罪死帝殊失望出延賞爲淮南節度使引拜栖筠爲  
大夫始栖筠見帝數奏明辨不阿附帝心善之故制麻  
自中以授朝廷莫知也中外竦瞻栖筠素方挺無所屈  
於是華原尉侯莫陳怵以優補長安尉尉常參臺栖筠物  
色其勞怵色動不能對乃自言爲徐浩杜濟薛邕所引  
非眞優也始浩罷嶺南節度使以瑗貨數十萬餉載而  
濟方爲京兆造吏部侍郎三人皆載所厚栖筠并劾之  
帝未決會月蝕帝問其故栖筠曰月蝕脩刑今罔上行  
私者未得天若以儆陛下邪由是怵等皆坐貶故事賜

百官宴曲江教坊倡願維侍栖筠以任國風憲獨不往  
臺遂以為法帝北比欲召相憚載輒止然有進用皆密  
訪焉多所補助栖筠見帝倚違不斷亦內憂憤卒年五  
十八自為墓誌贈吏部尚書諡曰文獻栖筠喜獎善而  
樂人攻已短為天下士歸重不敢有所斥稱贊  
皇公云○案舊書栖筠傳闕据新書附載於此吉甫少  
好學善屬文以蔭補左司禦率府倉曹參軍年二十七為太常博士該

洽多聞尤精國朝故實沿革折衷時多稱之

昭德皇后崩自天寶

後中宮虛卹禮廢缺吉甫草具其儀德宗稱善

遷屯田員外郎博士如故改駕

部員外宰臣李泌實參推重其才接遇頗厚及陸贄為  
相出為明州員外長史久之遇赦起為忠州刺史時贄  
已謫在忠州議者謂吉甫必逞憾於贄重構其罪及吉  
甫到部與贄甚歡未嘗以宿嫌介意六年不徙官以疾

罷免尋授郴州刺史遷饒州先是州城以頻喪四牧廢

而不居物怪變異郡人信驗吉甫至發城門管鑰剪荆

榛而居之後人乃安憲宗嗣位徵拜考功郎中知制誥

既至闕下旋召入翰林為學士轉中書舍人賜紫時李

浙西厚賂貴幸請用韓滉故事領鹽鐵又求宣歙問吉甫對曰昔韋臯蓄財多故劉闢因以構亂李絳不臣有

萌若益以鹽鐵之饒采石之險是趣其反也帝寤乃以李異為鹽鐵使憲宗初即位中書

小吏滑渙與知樞密中使劉光琦暱善頗竊朝權吉甫

請去之中書吏滑渙素厚中人劉光琦凡宰相議為光琦持異者使渙請常得如素宦人傳詔或不至

中書召渙於延英承旨迎附羣意即為文書宰相至有不及知者由是通四方賂謝弟泳官至刺史鄭餘慶當

國常一責怒數日即罷去吉甫請間劾其姦帝使簿渙家得貲數千萬貶死雷州劉闢反帝命

誅討之計未決吉甫密贊其謀兼請廣徵江淮之師由

三峽路入以分蜀寇之力事皆允從高崇文圍鹿頭未

兵與崇文趨果聞以攻渝合吉甫以為非是因言漢伐

公孫述晉伐李勢宋伐焦縱梁伐劉季連蕭紀凡五攻

蜀由江道者四且宣洪斬鄂強弩號天下精兵爭險地

兵家所長請起其兵擣三峽之虛則賊勢必分首尾不

救崇文懼舟師成功人有鬪志矣帝從之礪復請大臣

為節度吉甫諫曰崇文功且成而又命師不復盡力矣

因請以西川授崇文而屬礪東川益資簡由是甚見親

六州使兩川得以相制由是崇文悉力  
信吐蕃遣使請尋盟吉甫議德宗初未得南詔故與吐  
蕃盟自異牟尋歸國吐蕃不敢犯塞誠許盟則南詔  
怨望邊隙日生帝辭其使復請獻濱塞亭郭南北數千  
里求盟吉甫謀曰邊境荒岨犬牙相吞邊吏按圖覆視  
且不能知今吐蕃繇山跨谷以數番紙而圖千里起靈  
武著劍門險要之地所亡二三百所有得地之名而實  
喪之陛下將安用此帝乃詔謝贊普不納張愔既得徐  
州帝又欲以濠泗二州還其軍吉甫曰泗負淮餉道所



會濠有渦口之險前日授建封幾失形勢今惜乃兩廊壯士所立雖有善意未能制其衆又使得淮渦阨東南走集憂未艾也乃止又建言州刺史不得擅見本道使罷諸道歲終巡句以絕苛斂命有司舉材堪縣令者軍國大事以寶書易墨  
詔由是帝愈倚信  
二年春杜黃裳出鎮擢吉甫爲中

書侍郎同平章事吉甫性聰敏詳練物務自員外郎出

官留滯江淮十五餘年備詳閭里疾苦及是爲相患方

鎮貪恣乃上言使屬郡刺史得自爲政出郎吏十餘人爲刺史自王叔

文時選任猥冒吉甫始簿敘進羣材甚有美稱又度李其員人得敘進官無留才

勸帝召之使者三往以病解而多持金昭權貴至爲鎬游說者吉甫曰鎬庸材而所畜乃亡命羣盜非有鬪志

討之必克帝意決復言昔徐州亂嘗敗吳兵江南畏之若起其衆爲先鋒可以絕徐後患韓宏在汴州多憚其

威誠詔宏子弟率兵爲犄角則賊不戰而潰從之詔下鎬衆聞徐梁兵興果斬鎬降以功封贊皇縣侯徙趙國

公德宗以來姑息藩鎮有終身不易地者三年秋裴均

爲僕射判度支交結權倖欲求宰相先是制策試直言

極諫科

會皇甫湜等對策

其中有譏刺時政忤犯權倖者因此

均黨揚言皆執政教指冀以搖動吉甫賴諫官李約獨

孤郁李正辭蕭俛密疏陳奏帝意乃解吉甫早歲知獎

羊士諤擢爲監察御史又司封員外郎呂溫有詞藝吉

甫亦眷接之竇羣亦與羊呂善羣初拜御史中丞奏請

士諤爲侍御史溫爲郎中知雜事吉甫怒其不先關白

而所請又有超資者持之數日不行因而有隙羣遂伺

得日者陳克明出入吉甫家密捕以聞憲宗詰之無姦

狀吉甫以裴垍久在翰林憲宗親信必當大用遂密薦垍代已因自圖出鎮其年九月拜檢校兵部尙書兼中書侍郎平章事充淮南節度使上御通化門樓餞之在揚州每有朝廷得失軍國利害皆密疏論列又於高郵縣築隄爲塘溉田數千頃人受其惠居三歲奏蠲逋租數百萬築富人固本二塘溉田且萬頃漕渠庫下不能居水乃築隄闕以防不足洩有餘名曰平津堰江淮旱浙東西尤甚有司不爲請吉甫白以時救恤五年冬裴垍病免明年正月帝驚馳遣使分道賑貸

授吉甫金紫光祿大夫中書侍郎同平章事集賢殿大

學士監修國史上柱國趙國公

入對延英凡五刻罷及帝尊任之官而不名

再入相請減省職員并諸色出身胥吏等及量定中外

官俸料時以爲當

吉甫疾吏員廣由漢至隋未有多於今者乃奏曰方今置吏不精流品隴

維存無事之官食至重之稅故生人日困冗食日滋又

國家自天寶以來宿兵常八十餘萬其去爲商販度爲

佛老雜入科役者率十五以上天下常以勞苦之人三

奉坐待衣食之人七而內外官仰奉稟者無慮萬員有

職局重出名異事離者甚衆故財日寡而受祿多官有

限而調無數九流安得不雜萬務安得不煩漢初置郡

不過六十而文景化幾三王則郡少不必政繁郡多不

必事治今列州三百縣千四百以邑設州以縣分縣費

廣制輕非制化之本願詔有司博議州縣有可併併之

歲時人仕有可停停之則利寡易求官少易治國家之

制官一品奉三千職田祿米大抵不過千石大厯時權

臣月奉至九千緡者州刺史無大小皆千緡宰相常袞

始爲裁限李泌量閒劇稍增之使相通濟然有名在職

廢奉存額去閒劇之間厚薄頓異亦請一切商定乃詔

給事中段平仲中書舍人韋貫之兵部侍郎許孟容戶

部侍郎李絳參閱蠲減凡省冗官八百員吏千四百員

京城諸僧有以莊磴免稅者吉甫奏曰錢米所徵素有

定額寬緇徒有餘之力配貧下無告之民必不可許憲  
宗乃止又請歸普潤軍於涇原七年京兆尹元義方奏  
永昌公主準禮令起祠堂請其制度初貞元中義陽義  
章二公主咸於墓所造祠堂一百二十間費錢數萬及  
永昌之制上令義方減舊制之半吉甫奏曰伏以永昌  
公主稚年夭枉舉代同悲況於聖情固所鍾念然陛下  
猶減制造之半示折衷之規昭儉訓人實越今古臣以  
祠堂之設禮典無文德宗皇帝恩出一時事因習俗當  
時人間不無竊議昔漢章帝時欲爲光武原陵明帝顯  
節陵各起邑屋東平王蒼上疏言其不可東平王卽光

武之愛子明帝之愛弟賢王之心豈惜費於父兄哉誠以非禮之事人君所當慎也今者依義陽公主起祠堂臣恐不如量置墓戶以充守奉翼曰上謂吉甫曰卿昨所奏罷祠堂事深愜朕心朕初疑其冗費緣未知故實是以量減覽卿所陳方知無據然朕不欲破二十戶百姓當揀官戶委之吉甫拜賀上曰卿此豈是難事有關朕身不便於時者苟聞之則改此豈足多邪卿但勤匡正無謂朕不能行也

十宅諸王既不出閤諸女嫁不時而選尚皆由中人厚爲財謝乃得

遣吉甫奏自古尚主必慎擇其人江左悉取名士獨近世不然帝乃下詔皆封縣主令有司取門閥者配焉

七年七月上御延英顧謂吉甫曰朕近日畋遊悉廢唯

喜讀書昨於代宗實錄中見其時綱紀未振朝廷多事  
亦有所鑒誠向後見卿先人事迹深可嘉歎吉甫降階  
跪奏曰臣先父伏事代宗盡心盡節迫於流運不待聖  
時臣之血誠常所追恨陛下耽悅文史聽覽日新見臣  
先父忠於前朝著在實錄今日特賜褒揚先父雖在九  
泉如覩白日因俯伏流涕上慰諭之田季安疾甚吉甫請任薛平爲義成  
節度使以重兵控邢洛因圖上河北險要所在帝張於  
浴堂門壁每議河北事必指吉甫曰朕日按圖信如卿  
料矣劉潼舊軍屯普潤數暴掠八年十月上御延英殿  
近縣吉甫奏還涇原畿民賴之問時政記記何事時吉甫監修國史先對曰是宰相記  
天子事以授史官之實錄也古者右史記言今起居舍

人是左史記事今起居郎是永徽中宰相姚璩監修國  
史慮造膝之言或不下聞因請隨奏對而記於仗下以  
授於史官今時政記是也上曰間或不修何也曰面奉  
德音未及施行總謂機密故不可書以送史官其間有  
謀議出於臣下者又不可自書以付史官及已行者制  
令昭然天下皆得聞知卽史官之記不待書以授也且  
臣觀時政記者姚璩修之於長壽及璩罷而事寢賈耽  
齊抗修之於貞元及耽抗罷而事廢然則關時政化者  
不虛美不隱惡謂之良史也是月迴紇部落南過磧取  
西城柳谷路討吐蕃西城防禦使周懷義表至朝廷大



恐以爲迴紇聲言討吐蕃意是入寇吉甫奏曰迴紇入寇且當漸絕和事不應便來犯邊但須設備不足爲慮因請自夏州至天德復置廢館一十一所以通緩急又請發夏州騎士五百人營於經畧故城應援驛使兼護党項九年請於經畧故城置宥州六胡州以在靈鹽界開元中廢六州曰國家舊置宥州以寬宥爲名領諸降戶天寶末宥州寄理於經畧軍蓋以地居其中可以總統蕃部北以應接天德南援夏州今經畧遙隸靈武又不置軍鎮非舊制也憲宗從其奏復置宥州詔曰天寶中宥州寄理於經畧軍實應已來因循遂廢由是昆夷

屢擾党項靡依蕃部之人撫懷莫及朕方宏遠畧思復

舊規宜於經畧軍置宥州仍爲上州於郭下置延恩縣

爲上縣屬夏綏銀觀察使取鄜城神策屯兵九千實之

澤潞軍增太原馬千匹由是戎備完輯淮西節度使吳少陽卒初吉甫在

少陽立上下攜汴自請徙壽州以天子命招懷之反間

以撓其黨會討王承宗未及用後田宏正以魏歸吉甫

知魏人謂田進誠才而唐州乃蔡瑛矜請拔進誠爲利

史以臨賊境且慰魏心烏重胤守河陽吉甫以汝州捍

蔽東都聯唐許當蔡西面兵寡不足憚寇而河陽乃魏

博之津宏正歸國則爲內鎮不宜成重兵示不信請徙

屯汝州帝皆從之後宏正拜檢校尙書右僕射賜其子

元濟請襲父位吉甫以淮西內地不同河朔且四境無

黨援國家常宿數十萬兵以爲守禦宜因時而取之頗

協上旨始為經度淮西之謀

又請自往招元濟苟逆志不悛得指授羣帥俘賊以

獻天子不許固請

元和九年冬暴病卒年五十七

前卒一歲

至流涕帝慰勉之

憲宗傷悼久之遣中使臨弔

常贈之外內出絹五百疋以恤其家

自大斂至卒哭皆中人臨弔吉甫圖

淮西地未及上帝敕其

再贈司空吉甫初為相頗洽時

于獻之及葬祭以少牢

情臣經綜政事衆職咸治引薦賢士大夫愛善無遺喪忠

元衡才宜

及淮南再徵中外延望風采秉政之後視聽

時有所蔽人心疑憚之

罷李蕃相裴垍左遷皆其謀也李正辭晚相失及與蕭俛同召

為翰林學士獨

時負公望者慮為吉甫所忌多避畏憲

宗潛知其事未周歲遂擢用李絳大與絳不協而絳性

剛訐於上前互有爭論人多直絳然性畏慎雖其不悅

者亦無所傷

左拾遺楊歸厚嘗請對日已肝帝令他日見固請不肯退既見極論中人許遂振之

姦又歷詆輔相求自試又表假郵置院具婚禮帝怒其輕肆欲遠斥之李絳以為言不能得吉甫見上謝引川之非帝意釋得以國服物食味必極珍美而不殖財產

子主簿分司東都

京師一宅之外無他第墅公論以此重之

初政事堂會食有巨牀相

傳徙者宰相輒罷不敢遷吉甫笑曰世俗禁忌何足疑邪微而新之吉甫居安邑里時號安邑李丞相

有

司諡曰敬憲及會議度支郎中張仲方駿之以為太優

憲宗怒貶仲方賜吉甫諡曰忠懿吉甫嘗討論易象異

義附於一行集注之下及綴錄東漢魏晉周隋故事訖

其成敗損益大端目為六代畧凡三十卷分天下諸鎮

紀其山川險易故事各寫其圖於篇首爲五十四卷號爲元和郡國圖又與史官等錄當時戶賦兵籍號爲國

計簿凡十卷纂六典諸職爲百司舉要一卷皆奏上之

行於代子德修德裕

德修亦有志操寶曆中爲膳部員外郎張仲方入爲諫議大夫德修

不欲與同朝出爲舒

湖楚三州刺史卒

李藩字叔翰趙郡人曾祖至遠天后時李昭德薦爲天

官侍郎不詣昭德謝恩時昭德怒奏黜爲壁州刺史祖

畬開元時爲考功郎中事母孝謹母卒不勝喪死至遠

畬皆以志行名重一時父承爲湖南觀察使亦有名藩

少恬淡修檢雅容儀好學父卒家富於財親族弔者有

挈去不禁愈務散施不數年而貧年四十餘未仕讀書揚州困於自給妻子怨尤之晏如也杜亞居守東都以故人子署爲從事洛中盜發有誣牙將令狐運者亞信之拷掠竟罪藩知其冤爭之不從遂辭出後獲真盜宋瞿曇藩益知名張建封在徐州辟爲從事居幕中謙謙未嘗論細微杜兼爲濠州刺史帶使職建封病革兼疾驅到府陰有冀望藩與同列省建封出而泣語兼曰僕射公奄忽如此公宜在州防遏今棄州此來欲何也宜疾去不若此當奏聞兼錯愕不虞遂徑歸建封死兼悔所志不就怨藩甚旣歸揚州兼因誣奏藩建封死時搖

動軍中德宗大怒密詔杜佑殺之佑素重藩懷詔旬日  
不忍發因引藩論釋氏曰因報之事信有之否藩曰信  
然曰審如此君宜遇事無恐因出詔藩覽之無動色曰  
某與兼信爲報也佑曰慎勿出口吾已密論持百口保  
君矣德宗得佑解怒不釋亟追藩赴闕及召見望其儀  
形曰此豈作惡事人邪乃釋然除祕書郎王紹持權邀  
藩一相見卽用終不就王仲舒韋成季呂洞輩爲郎官  
朋黨輝赫日會聚歌酒慕藩名強致同會藩不得已一  
至仲舒輩好爲訛語俳戲後召藩堅不去曰吾與仲舒  
輩終日不曉所與言何也後果敗遷主客員外郎尋換

右司時順宗冊廣陵王淳爲皇太子兵部尙書王純請改名紹時議非之皆云皇太子亦人臣也東宮之臣改之宜也非其屬而改之諂也如純輩豈爲以禮事上邪藩謂人口歷代故事皆自不識大體之臣而失之因不可復正無足怪也及太子卽位憲宗是也宰相改郡縣名以避上名唯監察御史韋淳不改旣而有詔以陸淳爲給事中改名質淳不得已改名處厚議者嘉之藩尋改吏部員外郎元和初遷吏部郎中掌曹事爲吏所蔽濫用官闕黜爲著作郎轉國子司業遷給事中制敕有不可遂於黃敕後批之吏曰宜別連白紙藩曰別以白



紙是文狀豈曰批敕邪裴垍言於帝以爲有宰相器屬  
鄭絪罷免遂拜藩門下侍郎同平章事藩性忠盡事無  
不言上重之以爲無隱四年冬顧謂宰臣曰前代帝王  
理天下或家給人足或國貧下困其故何也藩對曰古  
人云儉以足用蓋足用繫於儉約誠使人君不貴珠玉  
唯務耕桑則人無淫巧俗自敦本百姓旣足君孰與不  
足自然帑藏充羨稼穡豐登若人君竭民力貴異物上  
行下效風俗日奢去本務末衣食益乏則百姓不足君  
孰與足自然國貧家困盜賊乘隙而作矣今陛下永鑒  
前古思躋富庶躬尙勤儉自當理平伏願以知之爲非

艱保之爲急務宮室輿馬衣服器玩必務損之又損示人變風則天下幸甚帝曰儉約之事是我誠心貧富之由如卿所說唯當上下相勗以保此道似有踰濫極言箴規此固深期於卿等也藩等拜賀而退帝又問曰禳災祈福之說其事信否藩對曰臣竊觀自古聖達皆不禱祠故楚昭王有疾卜者謂河爲祟昭王以河不在楚非所獲罪孔子以爲知天道仲尼病子路請禱仲尼以爲神道助順繫於所行已旣全德無媿屋漏故答子路云邱之禱久矣書云惠迪吉從逆凶言順道則吉從逆則凶詩云自求多福則禍福之來咸應行事若苟爲非

道則何福可求是以漢文帝每有祭祀使有司敬而不  
祈其見超然可謂盛德若使神明無知則安能降福必  
其有知則私已求媚之事君子尙不可悅也況於明神  
乎由此言之則履信思順自天祐之苟異於此實難致  
福故堯舜之德惟在修己以安百姓管仲云義於人者  
和於神蓋以人爲神主故但務安人而已虢公求神以  
致危亡王莽妄祈以速漢兵古今明誠書傳所紀伏望  
陛下每以漢文孔子之意爲準則百福具臻帝深嘉之  
後復問神仙長年事藩知帝且有所惑極陳  
荒妄謾誕不可信後入柳泌等語果爲累云時河東節  
度使王鐸用錢數千萬賂遺權倖求兼宰相藩與權德

輿在中書有密旨曰王鶚可兼宰相宜卽擬來藩遂以  
筆塗兼相字卻奏上云不可德輿失色曰縱不可宜別  
作奏豈可以筆塗詔邪曰勢迫矣出今日使不可止日  
又暮何暇別作奏事果寢李吉甫自揚州再入相藩頗  
會吳少陽襲淮西節度吉甫已見帝潛欲中藩卽奏曰  
道逢中人假印節與吳少陽臣爲陛下恨之帝變色不  
平數日罷藩爲詹事後數月上思藩召對復有所論列  
元和六年出爲華州刺史兼御史大夫未行卒年五十  
八贈戶部尙書諡曰簡藩爲相材能不及裴垍孤峻頗後  
韋貫之然人物清規亦其流也

權德輿字載之天水畧陽人

徙潤州丹徒

父臯字士繇後秦

尚書翼之後

晉安邱公翼十二世孫父僅與席豫蘇源明以藝文相友終羽林軍參軍

少以

進士補貝州臨清尉安祿山以幽州長史充河北按察

使假其才名表爲薊縣尉署從事臯陰察祿山有異志

畏其猜虐不可以潔退欲潛去又慮禍及老母天寶十

四載祿山使臯獻戎俘自京師迴過福昌福昌尉仲暮

臯從父妹壻也密以計約之比至河陽詐以疾亟召暮

暮至臯示已瘖瞪暮而瞑暮乃勉哀而哭手自含襲旣

逸臯而葬其棺人無知者從吏以詔書還臯母初不知

聞臯之死慟哭傷行路祿山不疑其詐死許其母歸臯

時微服匿跡候母於淇門旣得侍其母乃奉母晝夜南

去

客臨淮爲驛亭  
保以調北方

及渡江祿山已反矣由是名聞天下

淮南採訪使高適表臯試大理評事充判官屬永王璘

亂多劫士大夫以自從臯懼見迫又變名易服以免元

宗在蜀聞而嘉之除監察御史會丁母喪

得風痺疾

因家洪

州時南北隔絕或踰歲不聞詔命有中使奉宣至洪州

經時未復過有求取州縣苦之時有王遘爲南昌令將

執按之因見臯白其事臯不言久之垂涕曰方今何由

可致一敕使而遽有此言因掩涕而起遘遽拜謝之浙

西節度使顏真卿表臯爲行軍司馬詔徵爲起居舍人

又以疾辭嘗曰本自全吾志豈受此之名邪李季卿爲

江淮黜陟使奏臯節行改著作郎復不起兩京蹂於胡  
騎士君子多以家渡江東知名之士如李華柳識兄弟  
者皆仰臯之德而友善之大厯三年卒於家年四十六  
元和中諡曰貞孝初臯卒韓洄王定爲服朋友之喪李  
華爲其墓表以爲分天下善惡一人而已前贈祕書監

新書  
少監

太子太保德輿生四歲能屬詩七歲居父喪以孝聞十  
五爲文數百篇編爲童蒙集十卷名聲日大韓洄黜陟  
河南辟爲從事試祕書省校書郎貞元初復爲江西觀  
察使李兼判官再遷監察御史府罷杜佑裴胄皆奏請

二表同日至京德宗雅聞其名徵爲太常博士轉左補

闕八年關東大水上疏請降詔恤隱

德輿建言江淮田一善熟則旁資數

道故天下大計仰於東南今霍雨二時農田不開逋亡日衆宜擇羣臣明識通方者持節勞徠問人所疾苦蠲其租入與連帥守長講求所宜遂命奚陟等四人使裴賦取於人不若藏於人之固也

延齡以巧倖判度支九年自司農少卿除戶部侍郎仍判度支德輿上疏曰臣伏以爵人於朝與衆共之況經費之司安危所繫延齡項自權判逮今間歲不稱之聲日甚於初羣情衆口諠於朝市不敢悉煩聖聽今謹畧舉所聞多云以常賦正額支用未盡者便爲剝利以爲已功又重破官錢買常平先所收市雜物遂以再給估



價用充別貯利錢又云邊上諸軍皆至懸闕自今春已來竝不支糧伏以疆場之事所虞非細誠聖謨前定終事切有司陛下必以延齡孤貞獨立爲時所抑醜正有黨結此流言何不以新收利利徵其本末爲分析條奏又擇朝賢信臣與中使一人巡覆邊軍察其資儲有無虛實倘延齡受任已來精心勤力每事省約別收羨餘於正數各有區分邊軍儲蓄實猶可支身自斂怨爲國惜費自宜更示優獎以洗羣疑明書厥勞昭示天下如或言者非謬罔上實多豈以邦國重務委之非據臣職在諫曹合採羣議正拜已來今已旬日道路云云無不

言此豈京師士庶之衆愚智之多合而爲黨其有讐嫉  
陛下亦宜稍回聖鑒俯察羣心況臣之事君如子事父  
今當聖明不諱之代若猶愛身隱情是不忠不孝莫大  
之罪敢瀝肝血伏待刑書十年遷起居舍人歲中兼知  
制誥轉駕部員外郎司勳郎中職如舊遷中書舍人是  
時德宗親覽庶政重難除授凡命於朝多補自御札始  
德輿知制誥給事有徐岱舍人有高郢居數歲岱卒郢  
知禮部貢舉獨德輿直禁垣數旬始歸嘗上疏請除兩  
省官言左右掖垣承天子誥命奉行詳覆各有攸司舊  
制分曹十員以相防檢大抵事有所壅則吏得爲  
非四方聞者或以朝廷爲德宗曰非不知卿之勞苦禁  
之士要重之司不宜久廢

掖清切須得如卿者所以久難其人德輿居西掖八年

其間獨掌者數歲貞元十七年冬以本官知禮部貢舉

來年真拜侍郎凡三歲掌貢士至今號爲得人轉戶部

侍郎十九年大旱德輿因是上陳關政曰陛下齋心減膳閔惻元元告於宗廟禱諸天地一物可祈必致

其禮一士有請必聽其言憂人之心可謂至已臣聞銷

天災者修政術感人心者流惠澤和氣合則祥應至矣

畿甸之內大率赤地而無所望轉徙之人斃路道路慮

種麥時種不得下宜詔在所裁留經用以種貸民今茲

租賦及宿逋遠貸一切蠲除設不蠲除亦無可斂之理

不如先事圖之則恩歸於上矣十四年夏旱吏趣常賦

至縣令爲民毆辱者不可不察又言漕運本濟關中若

轉東都以西緣道倉廩悉入京師督江淮所輸以備常

數然後約太倉一歲計斥其餘者以糴於民則時價不

踴而蓄藏者出矣又言大庾中一縑直錢四千今止八

百稅入加舊則出於民者五倍其初四方銳於上獻爲

國措怨廣軍實之求而兵有虛籍剝取多方雖有心計

巧厯能商功利其於割股啖口困人均也又言比經綏  
放者自謂技拭無期坐爲匪人以動和氣而冬薦官踰  
三年未受命衣食既空湓然就斃此亦窮人之一端也  
近陛下洗宥絀放者或起爲二千石其徒更相勉知率  
復可望惟因而宏之使元和初歷兵部吏部侍郎坐郎  
人人自效帝頗採用之  
吏誤用官闕改太子賓客復爲兵部侍郎遷太常卿時  
路慮從史詐傲浸不制其父虔卒京師而成德王承宗  
父死求襲德輿諫以爲欲變山東先擇昭義之帥從史  
拔自軍校偃蹇不法今可因其喪選守臣代之成德習  
俗既久常制以漸許成德之請則可許昭義則不可帝  
不聽及王承宗叛從史乃詭計以撓王師兵老五年冬  
無功德輿復請赦承宗從史後皆畧如所料  
宰相裴均寢疾德輿拜禮部尙書同平章事與李藩同  
作相河中節度王鐔來朝貴倖多舉鐔者上將加平章  
事李藩堅執以爲不可德輿繼奏曰夫平章事非序進

而得國朝方鎮帶宰相者蓋有大忠大勲大脉已來又有跋扈難制者不得已而與之今王鶚無大忠勲又非姑息之時欲假此名實恐不可上從之運糧使董溪于臯謨盜用官錢詔流嶺南行至湖外密令中使皆殺之他日德輿上疏曰竊以董溪等當陛下憂山東用兵時領糧料供軍重務聖心交付不比尋常敢負恩私恣其賊犯使之萬死不足塞責宏寬大之典流竄太輕陛下合改正罪名兼責臣等疎畧但詔令已下四方聞知不書明刑有此處分竊觀衆情有所未喻伏自陛下臨御已來每事以誠實與天地合德與四時同符萬方之人

沐浴皇澤至如于董所犯合正典章明下詔書與衆同  
棄卽人各懼法人各謹身臣誠知其罪不容誅又是已  
過之事不合論辨上煩聖聰伏以陛下聖德聖姿度越  
前古頃所下一詔舉一事皆合理本皆順人心伏慮他  
時更有此比但要有司窮鞫審定罪名或致之極法或  
使白盡罰一勸百孰不甘心巍巍聖朝事體非細臣每  
於延英奏對退思陛下求理之言生逢盛明感涕自賀  
況以愚滯朴訥聖鑒所知伏惟恕臣迂疎察臣丹懇帝  
問政之寬猛孰先對曰唐家承隋苛虐以仁厚爲先太  
宗皇帝見明堂圖始禁鞭背列聖所循皆尚德教故天  
寶大盜竊發俄而夷滅蓋本朝之及李吉甫自淮南詔  
化感人心之深也帝曰誠如公言

徵未一年上又繼用李絳時上求理方切軍國無大小  
一付中書吉甫絳議政頗有異同或於上前論事形於

言色其有詣於理者德輿亦不能爲發明時人以此譏

之竟以循默而罷復守本官尋以檢校吏部尙書爲東

都留守

進扶風郡公于頔以子殺人自囚親戚莫敢過門朝廷無爲請者德輿將行言於帝曰頔之罪

既貨不竟宜因賜寬詔帝曰然卿爲吾過諭之後拜太常卿改刑部尙書先是

許孟容蔣乂等奉詔刪定格敕孟容等尋改他官乂獨

成三十卷表獻之留中不出德輿請下刑部與侍郎劉

伯芻等考定復爲三十卷奏上十一年復以檢校吏部

尙書出鎮興元十三年八月有疾詔許歸闕道卒年六

十贈左僕射諡曰文德與自貞元至元和三十年間羽儀朝行性直亮寬恕動作語言一無外飾醞藉風流為

時稱嚮於述作特盛六經百氏游泳漸漬其文雅正而

宏博王侯將相洎當時名人薨沒以銘紀為請者什八

九時人以為宗匠焉尤嗜讀書無寸景慙倦德輿生三歲知變四

聲四歲能賦詩積思經術無不貫通自始學至老未嘗一日去書不觀嘗著論辨漢所以亡西京以張禹東京

以胡廣大指有文集五十卷行於代子璩中書舍人璩

有補於世大圭元和初擢進士歷監察御史有美稱宰相李宗閔

乃父門生故薦為中書舍人時李訓挾寵以周易博士

在翰林璩與舍人高元裕給事中鄭肅韓偓等連章劾訓頗覆陰巧且亂國不宜出人禁中不聽及宗閔貶璩

屢表辨解貶閩州刺史文宗憐其母病徙鄭州訓誅時人多璩明禍福大體能世其家



史臣曰裴均精鑒默識舉賢任能啟沃帝心弼諧王道如崔臯裴度韋貫之輩咸登將相皆均之薦達立言立事知無不爲吉甫該洽典經詳練故實仗裴均之抽擢致朝倫之式序吉甫知均之能別髦彥均知吉甫之善任賢良相須而成不忌不克叔翰修身慎行力學承家批制敕有夕郎之風塗御書見宰執之器而乃輕財散施天爵是期偉哉自待之意也德興孝悌力學豈亂有聞疏延齡恣行巧佞論臯謨不書明刑三十年羽儀朝行實臯之餘慶所鍾此四子者所謂經緯之臣又何慙於王佐矣

贊曰二李秉鈞信爲名臣甫柔而黨藩峻而純裴公鑒  
裁朝無屈人權之藻思文質彬彬

唐書卷第一百九十九

